

# Apedor Naka Edeke Aijulakin

Tucson, Arizona U.S.A.  
65-0911

1 [Ejai Onac Carl Williams aitodiar Onac Branham-Ekewa.] Eyalama, onac. [Cutibo erai teniteni arereng ajaut ka Onac Branham abunenen Phoenix irwan ipu. Aomit bala ebunene ngesi Phoenix irwan nuipu adepar nenice. Ido kikoto oni ngesi aiyatakinin abunenen, alemar bon najaar eong ne, kopone edio kere. Kisirereng Edeke jo Onac Branham." ] Eyalama-eyalama, Onac Williams.

Ayogan natupuruc, ipapero. Eong ajai...Na kanuka ekale loka Shakarian, Onac Williams ka Iinac Williams ido luipu kakesi luejaas ne ejenete ngun. Abu eong kaany ngun kotoma aitapoet, bala ikar iarei arai iuni luatuboros eringa ngin kedekakina, ido apotu kotakanutu.

Ido okaru lobian naijaar isio ne, eyuunit eong bala arai Januari, kotoma atukonokin, arai apak ngin naabu esasedoti ngol (ingai kereka ekirorike? Kemurwoki eong ekekiror kwana) kojaar ne. [Ebala icetunganan, "Stanley."-Ekewa.] Stanley, Bishop Stanley, loabunit kokanisa loka Catholic. Iitunitosi yesi nainunia ngesi eong Ebaibuli, ijenete yesi, ido kotema ngesi eong atiar...

Kejaas luipu aidwar, "Akokuka, idau jo angaleun."

Ido ajeni ngesi ebe abala aitapoet ebe mam ngin abuni angaleun. "Abuni ngin atwanare kiding isawan ikanyauni ka ikanyaongon tupuruc." Iitunitosi yesi ngun? [Ebala itunganan, "Eebo."-Ekewa.] Aso, isawan ikanyauni arai ikanyaongon.

2 Ido mam eong apedori alimokin Demos. Kwabo abu eong kalimok akainiki katotoke, cut kalaije kagola, atubor cut kane. Katema eong, "Mam nges ebuni angaleun."

Kotema Ajkt. Shakarian, "Eebo, euta nginitunganan kere aidwar."

Katema eong atiar, "Ejena bo, apedori acepak araut eong ebiroro, eong elopet, konye abu eong kalim ngun. Mam ngin ebuni angaleun."

Abu eong kalimok luipu kakesi, bala ikar iuni kau, "Abu eong kaany ngin ekeri kanuka aijarake, ido abu ngesi kolot oitada. Ido abu ngesi kikia akekanin kosodi adelor mamaka, kopone kangol. Ido mam da ber abu kapedo adolokin ngesi. Kasodi konyet eong aanyun nges etwani. Ido abu eong kasesen, ido ajai icebore, ajai esawa, ido abala ngol ebe arai kiding isawan ikanyauni ka ikanyaongon.

Kwangin do abala bishop ebe, "Eebo, abuni cut eong aidar kasesen epone loitodolikinor ngin." Kwangin do, abu ngin kitodolikin.

3 Kipupi cuticut isio aiturur. Apupi eong adau ekanisa atwaniar itunganan yenepol, kotoma Iinac Florence Shakarian. Konye arai ngin awoon naepol noi, arai ngin aberu naeleleba-Emoyo.

Kijai eong kede totoke; totoke nges adiopet nakipou kageutu arucokin kede eong ko West Coast, naetangaleunere totoke. Naponiata imuruok luka adekis...Eiloro ngesi cut, ido kobutuonorite akuan kere. Ido kwangin e-e emuruon loka adekis loajai nen abu kolimok eong, atiar, "Kwana kililingi neeteni naijaar jo ailip. Mam icelantar noi. Euta aberu ngin atwanare."

Katema eong atiar, "Eebo, ipa."

Ido kotema ngesi atiar, kapak kangin, kinyikokinite alimonokin eong. Ido, eebo, mam da ber eong abu kadum arereng naka aongaar akakituk, bala.

4 Kwangin, arai Onac Demos nges abu kolimok eong alosit akonye adokar aanyun ngin.

Kwangin abu eong kadoka kamadalai alosit kaju. Ido ajai Florence ekuko kokwap, kapak kangin korai ipese yenididi yenitemel, ka angor ace bobo. Ido abu eong kalot kasodi ailipakin ngin, kasodi alimun ngun. Ido eiloro ngesi. Ido abu kalimok nges ebe abuni ngesi anyoun bobo. Ido abu ngin konyou. Ikar idis luatupakinete, abu ngin kotwana. Ido kereka kwana ebongonokini Edeke ailipasineiwok.

Ido kijeni oni ngun, kiyuunit oni ebe kiponit oni kere ne kanuka akote naka Edeke, ido kinyouni oni kopone kangopekangol. Idiopediope, ido nginidiopet kaoni etubor kotoma okek kangol. Ido kanukangun nges kijaar oni ne atupuruc na, kitukokina nepepe kotoma Christian Business Men's Fellowship lo, erai kanuka ener nuka iboro kalu, ka akapakin da kanukec, naarai kijeni cut oni ebe epote kesi.

5 Kwana Iinac Florence erai aberu nakatumunan, ikar akaisaongon-kiarei lukapolou, alimoki Onac Williams eong kopekwana, ido edit noi. Konye eringa kes...ajeni ngesi ebe ajaatar ngesi kede adeka na, kanukinyo, abu eong kaany aitapoet naka ngin, ido abu kolimok eong nuapote alomun kamake. Dodo konyet, ti keraun...Ejeni Edeke kere nuikamunitos ngun, ka ngin aanyun Yesu kotoma agola eringa ngesi kenyouno. Mam cut oni ikoto ailip kanuke, naarai kiswama oni ngun noi kwangin. Kikoto bon oni aimala Edeke kanuka ajar kangin naajai kidingiwok, naabu kiyengakinite oni kere, kwape Iinac Shakarian.

Ido kikoto oni ailip kanuka Onac Demos, Iinac Rose. Ido kiitutu, ajaunos kesi kede ainomio naetiono noi kotoma aijarakec, kotoma nuatuboros...kerai papake, ka iinacike kwana kotoma ake...ikar lukawasia. [Enerakinos icetunganan kede Onac Branham-Ekewa.] Konye, ido, eebo, mam edolit...mam edolitos, ilapio itomon; ido Iinac-Iinac Edna, da.

6 Kwangin, ajeni eong epone lokitimiet Onac Demos. Abu eong papa, onac, aberu, ka ikoku, konyoutu aituputupakin kotoma apaarasia adis nuagelegela, kwangin do eong-ajeni eong epone loepupio ngesi atupuruc na. Ijenuni bon jo arai kibwo jo kotoma amuk kangun, epone ngol nges ijenunia jo epone loibusakinitor aitim. Ido...

[Aresiaros acuuman nuikeunere eporo-Ekewa.] Eong eswamat ngun elopet. Kitimoi eong. Abu eong katiro ibore ice yenedit kane kokwap kanenice, kede akakan. Kwangin apupi eong erono ebe abu eong kejaik ngin eresiar noi, kwabo komam apeleikinit.

Kwana do kanyoutu oni kwape kijaar oni...arai ipedori jo, arai erai ngin...Ketuluroto akwesiwok.

7 Papa lokoKuju, kitukokin isio ne atupuruc na aima Ijo, ka aimal Jo ka aitur da, kanu aiyakiun Yesu Ekalakunan kosi, ebe kijaar isio ka amun akaulo naedaunor aijar na, kiseseni ebe mam erai naejena noi cut ebe kilosi isio aijar kane apak kere. Ido Papa, asesen ijautenesio lueroko luepedorete awate nu alomar toma, kiyalama isio ebe mam iburai isio asalakin ne apak kere. Ido Jo aiswamaun erot lokuiet, kwap toma aditot naka atwanare.

Ido, Papa, kiyalama isio noi mamaKon atupuruc na, kanuka aijar naka idiopet yenabu kobwaata nepepe kasio, mam edoli ekaru ediopet atubor, aiwo nukaiturit Jo; Iinac Florence Shakarian, kwape kijenia isio ngesi. Ido idaunit Jo alimokin isio sek noi eringa, da ber ikar, ebe apote nu atakanun, ebe mam ngin abuni araut aisiriengunet naepol noi kanukosi. Ido kijeni isio ebe nuilimuni Ijo eraas nukabeit. Kosodi konyet ebalak AkirotoKon ebe, "Itunganan yeneurit aberu, erai yenika apaarasia nuikidioko ido ileleba atiokisio." Kijeni isio ebe erai ngin nakabeit, ngesida, wu Ejakait. Kijeni isio ebe ibusakinit isio kere abunore aitorun toma aditot ngin. Kwangin kimalai isio Jo kanuka akeijar naajai ne toma akwap. Ido kiyuunit kanuka aiyuun, ebe kwana, atupuruc na, adau ngin atubor kama ejai etogo lo loka ikur, alomar toma akuan nakaibuses namam cut ebuni adekakin. Ido atalaatan keng nuka ayoore, ka eporoto loajaatar ngesi, ka emoyoke loajai noi kabarara toma asianut nepepe ka Kristo! Ebe ti ngesi kepedo abongun atupuruc na, mam nges ti kekotokin aswam ngun kopone edio kere; ti keraun ngesi aitor toma kanu bobo. Nu da kwana adaunos, ejaasi kana ngesi nepepe ka totoke ka papake. Apotu ngul kiworoosi ikecekoku ore. Kwangin da, isio-kimalai isio Jo.

8 Kikoto da isio ailip kanuka aitalakaario, kanuka Onacekosi Shakarian, onacekosi lominat, kajenete-a aijar naabu ngesi kojar, ka aitananeta nuitorit ngesi toma kotoma apaarasia nu nukawasia, ka epone loejaar ngesi; asesen nges euta amojong, ka itimake da eutas apiar, ka ikeperinike da eutasi ainiaun, konye ca kotamite asalit alaro kanuka Edeke. Edeke, koinak nges agogong lolo. Kilipit isio, wu Edeke, ebe icamakini Jo ngun. Mama ejaas ngul kere luitururute kanuka alositeke, kilipi isio kanuka nginidiopet.

Ido kocamak isio, wu Ejakait, kwape kiwomoomoa nu, keitunitos ebe isio da kadiopepaaran kiponi alosit. Kwape kijaar kiboie nepepe kane kotoma Akonyen nuka Ejakait Yesu, kilipit isio ebe koyangau Jo nu koraas nukitetiak kotoma aiitunun kosi. Kasodete isio aanyanakin, kwape kejaar, arai aimarimar nuka aijarakosi kikulepek, ebe karaas isio lukijai kwap naka Aokot ka Aiyuun da. Kocamak ngun, wu Ejakait.

9 Kwana kwape atamitor eong kotoma kojautenesio kalu ayangaun aisiiraret mama ejaas itunga, lolo, elipit eong ebe kingarak Jo eong, wu Ejakait. Kisicat eong, naarai eong-eong-epuda eong ngin, Ejakait. Ido elipit eong ebe icamakini Jo ngun. Ido kolimunai ibore yenicut ebuni ainakin ayongio mamaKon. Ido arai ejai idio yenejai kwap naka eporoto kosi atupuruc na, yenimam ekapakina airiamakin kesawa ngol loeperi kakonyenekec, koraun na apak naijaikinotor kesi neejai Ngol Lo abala, "Arai Eong Erot, Aijar, ka Abeit," nges da Ejakaitikosi Yesu Kristo. Naarai kilipit isio ngun KokiroriKe. Amen. (Ipedorete yesi aiboikin.)

10 [Enerakinos itunganan ice kotut nepepe kOnac Branham-Ekewa.] Ekoto onac kane ajenun arai epedorit ngitunganan aipup ejok. Egwetakin ngesi a nuinerare aarei. Ejokuna ngin? Ipedoritos yesi aipup? Kikiasi akusikanin arai ipedoritos yesi. Ipedoritos yesi aipup? Kikiasi akaninikus. Mam ace.

Akadakin ngesi eong naarai mam oni kijaar neelal kanu aisiboikin ngitunganan atupuruc na. Ido kimuno oni ebe mama abuni adaun aojau naepol kane, bon nepe ilesikino arai ti ayangaun oni acepak asiomio naka Akirot; ebe ebuni Ejakait Edeke aijaikin ayongio neejai AkirotoKe na ejakai asiomun, ido kiinakini oni nuka aKesianut, ebe kejaanakisi oni Ngesi kanuka ngin.

11 Kwana abu Billy Paul kolimokinite eong, atupuruc na, ebe acepak ebuni araun naepedor ebe isio einer Nasabiti naetupakini ko Grantway Assembly of God, ko Tucson. Arai ejai idiotunganan ne yenebunit ko Tucson, Mam acepak eong abuni aanyun jo osabiti lo. Abuni eong ajaun Grantway Assembly of God, Nasabiti naetupakini.

Aso kwana eapie nape ibongunio isio kokuju kalaije ko Kide, ido abu eong kasub bala abu ketononok

akakuan elopet kanuka akwamakin ainyam nedepara, kede asianut nailamara naka itunga lukokwap ktoma omor. Ido-ido abu eong kadekakin, kwangin mam do abu kapupi ejok kosabiti kalo. Kwangin, kilipata do yesi kanukang.

12 Ido...

[Ebala icetunganan, "Opossum abu okwamar."-Ekewa.] Ibala jo ai? [ "Opossum abu okwamar.] Onac Carl Williams kede aiyalanutuke, ido aomit eong kipuda oni ngin cut kopekwana, abala ngesi ebe, "Opossum abu okwamar." Mam eong ajeni nuikamunito ngun, Onac Carl, konye ikunyukoi epu noi. [Ekwena Onac Branham.]

Kwangin do ikoto jo ailipakin itunganan atupuruc na, kanukinyo, eong-cuticut abuni eong aiyalamikin karai korai ailip kanuka, naarai eong-epuda eong ngin.

Kwana kikoto alosit atipet toma Akirok.

13 Ido mam eong akoto aisiboi yes kane adaun apak naeoj, naarai eyuunit eong ebe ejai akodakina kosimu kateker kere, katupuruc kana, elosi erot kere anyoun ko West Coast kiton East Coast, anyoun kAgolitomei kiton Ongalakimak. Nuipu, atukono nuipu ejaatar ka itogoi kwape ijaatar yesi kere kane kokanisa. Erai da na ekodakinitai kalaije ko Phoenix, ebe kanenidio kere nejaas aijanakineta, elomuni cut ngin toma neejai...Ido etukonokina da kesi kotoma okanisan ido kotoma oreria, ka iboro kwa kangul, kopupete koredio stesen loecae noi. Ebalasi kesi ebe ejokuna adepar da ber awear eitena koredio. Erai na arucokina-kosimu , ibwaikinete kesi naikamere arai nainerare, arai ibore kere yenipe erai ngin, toma agola. Kosodete kesi...Abala aberuka, ebuni ko Indiana kosabiti loatubor, abunore aijesun Tucson, asubit cut naeputosi kede jo aibwo cut kagola. Kwangin kilipit do oni ebe kisirereng Edeke ngul kere luejaas kinga ngina luerucokina atupuruc na, kanejaasi kesi kere. Kokuju ko New York kwana ebuni araut, oo, paaran, ido apakio nuegelegela kwape iriikinor ngin atubor kakwap.

14 Kwana kalaije kotoma Oitabo loka Iromayon, esula lo12, ido ikokoron lo1 ka lo2, kikoto-kikoto oni asiomun Naiwadikatai na.

*Kanukangun, iinacan, kengaingait yes, kanuka aitimeta nuka Edeke, kijaikis akusiwat koraut asubanit naejari, nakalaunan, naisiyalamikinit Edeke, nges aimakus naibus*

*Kwabo sikiputo nuka ikar kalu, konye kanuka aisiteteunio naka aomisiokus kijulakinos, tetere igimorete nuekoto Edeke, nuejok, ka nuedolito...nuejok nuisiyalamikinito, ka nuedolito da.*

Kwana, arai ekoto Ejakait, akoto eong ayangar akou naka akirotoka atupuruc na, ko: Apedor Naka Edeke Aijulakin.

*Ebe sirikiputo nuka ikar kalu: konye korautu...kijulakinos kanuka aisiteteunio naka aomisiokus, kwana, ido igimorete ngun nuejokuka nuedolito, nuisiyalamikinito, nuekoto Edeke.*

15 Erai akirot naejenaara noi naemojongit naitwasamatos ikusikecokok ameun cut kotoma apakikus. Erai naetwasamai ageun nakiwadikaere Ngin. Mam cut Ngin emojongi, naarai erai Ngin Edeke. Mam ngin emojongi. Kotoma nginitur kwana, aapikin, bala ikar ilukumin iarei ka akwat akanyikauni, arai kadepar, asiomenenata ikiliok, isasedotin, ka ice da, Akirok na naka Edeke ido mam cut Nges emojongi. Ajai eong asiomenene Nges, eong elopet, adaun ikar luedolete bala akaisauni-kikany. Ido kanginipak na asiomia eong Nges, adumuni eong ibore yenikitetet yenikabu eong kelamite ber sek nasodit. Naarai iyengakinitai Ngesi, erai Ngesi Edeke kotoma aput naka enyukuta. Teijo, erai aomisio nuka Edeke inerasi, kosodete aibwaikin toma apapula.

16 Irwan ipu, atema etunganan ebe, "Eebo, kwana, itunga iwadikatos Ebaibuli lo." Mam. Ebala Ebaibuli inera, Elopel, ebe Edeke nges iwadikat Ebaibuli. Erai Ngin Akirok naka Edeke.

Ido mam cut ibiror. Abala Yesu ebe, "Akuj ka akwap ibiroros, edaunos, konye Akakiro mam cut ibiroros." Ido mam cut Ngin ibiror, ido kwape eraar Edeke, naarai erai Ngin atutubeteKe.

Kosodi konyet ijo kwape okokuKe ka akoku, irai jo atutubet naka Ngin, ido kitarauni ngin jo atutubet naka Ngol. Kwangin erai kanukangun nges kiponia oni aimor eidicane nepepe kaneejai Akirok naka Edeke.

17 Kwana akirot na kijulakinos, abu eong kerereo ko dikisionari, bian. Na, ebucit eong aimen aiiunit esawa loabeitor eong ajaun kuju ne, najaar eong amoot akou naka akirot, kasodi eong adumun akirot na, arai akou na, ti gwai, Naiwadikatai Obaibuli. Ido kodikisionari ebala ebe erai "ibore yenijulakinitai." Ibusakinit ngin "kijulakinai." Ejulakin, "aitaraun yenegelara itia ibore yenikerai ngesi sek, kerai ngin...einonoke ka nginibore ice kere ejulakin kotomake," aijulakin.

18 Ido eong ajai aoomoi atupuruc na, kotoma Ageun 1. Ajai akwap na atai komamei aput, ido amamei

ibore ajai tomake, korapite amuton akwap; mam arai idiobore kilema aipurujauna kaileleba. Ido najaar akwap na ojautene ngol, abu Emoyo loka Edeke kirukum kuju akipi, ido abu aput ngin kere kijulakin; anyoun karaut aipurujauna na cut, toni omanikor loka Eden. Erai ngin apedor naka Edeke najulakini, naepedori alemun ibore mutan yenimam erai idiobore kosodi aiswamaun ibore yeneumokina kotoma ngin. Apedor naka Edeke najulakini!

19 Ido kijeni oni ebe, kanuka aisiom Nuiwadikatai Obaibuli, ebe arai Edeke ikanyape-ikar ilukumin ikanyape ejai iswamai aitemonokin na kanuka Eden na. Kwana, mam acepak Ngesi edaunit aojau ngin; konye bon aomit, ido alemun ngin kotoma Naiwadikatai Obaibuli neebalar Ngin ebe "apaaran adiopet kede Edeke, erai ikar elukumit kakwap," erai ngin ebe, arai ibusakinit Edeke aimar apak. Ido atiar kerai ikar ilukumin ikanyape nges kebu Ngesi kodau iswamauni akwap, ido kebu Ngesi kiraik toma akwap ngolikinyomit kere loejokuna. Ajai kangina cut nginibore kerai yenetekooro cut.

Aomit eong, irwan ipu, na da ber egeuniata ikecaak aisiom Eitabo loka Ageun, egeunete kesi aicaarit Ngol, naarai esubit bala ejai inyogonokini Elopel akekiro kopekwangin, araiboot kiuconori jo lailo ka laingol.

Konye karai bon oni aanyun kanu apak naedit, eringa oni kelomara toma akirotowok, ebe, abu Musa koany aitapoet. Ido abu Edeke kinerata kede Musa akonye ka akonye, akituk ton akit. Kwana, mam Ngesi inheritor kede etunganan ece kopone kangol, kwape abu Ngesi kiswamaikinia Musa. Kwana, arai Musa loapol, ediopet kotoma onabin luepolok kakere. Kerai ngesi aitupuset naka Kristo. Ido kereka kwana epedori Edeke ener, ejaatar Ngesi kede eporoto. Epupunitere. Epedori Edeke ener.

20 Ido epedori Edeke aiwadik. Abu Edeke kiwadik Ikisila itomon kede ebokoritiKe Obe. Abu Ngesi kiwadik arwatatin nuko-nuko Babulon kolo, kede ebokoritiKe. Abu Ngesi kokukum kwap kadiopepak ido abu kiwadik toma asinge kapak adiopet, kede ebokoritiKe. Epedori Edeke ener. Epedori Edeke aisiom. Epedori Edeke aiwadik.

Edeke nges Atan naka asianut ka Apedor, ido naka acoa kere naka Edeke, ejai toma Edeke. Kwangin do, kajenete ngun, Ngesi bon Ekasuban loejai. Emamei bobo ekasuban ece kilema Edeke. Mam Satan epedori aisub, nepe tai da, erai bon ngesi loitapaanari luedaunitai asubun. Konye Edeke nges bon Ekasuban.

Kanukangun, abu Ngesi kosub kanuka AkirotoKe. Abu Ngesi kiyakia AkirotoKe. Kwangin do ikinyom kere luabu Ngesi kibwaik toma akwap, abu Ngesi kosubunun ikinyom ngul kede AkirotoKe Obe, naarai kemamei idiobore yenikebeitor aiswamaunia ikinyom ngul kamake. Kebu Ngesi kibwaik kes aiboisiokec, ido kejaasi kesi toma akipi. Abu bon Ngesi kotema atiar, "Kojaun yen, ido kojaun ngin."

21 Kwana kidumuni oni ebe, irwan ipu, esubit bala euta Ebaibuli ainyogonokin arai ener ibore mama ejai yenimam Ngesi ebala. Kwape naanyunet, kotoma Ageun 1 kidumuni oni ebe, "Kosub Edeke itunganan kaputoKe, kaput naka Edeke nges asubunia Ngesi ngin; kosub kes yenikiliokit ka yeniberu." Kosodi konyet Ngesi aiyaakin alosit akonye, ido apotu iboro luipu kotakanutu kotoma akwap.

Konyet do kadumunete oni ebe, kemamei itunganan yenekoriei akwap. "Kosodi do konyet Edeke asubun etunganan kapua naka akwap." Kerai ngol etunganan loegelara. "Ido abu Ngesi kokutak eiyengane loka aijar okumesike, koraun etunganan etau lokajaran."

22 Etunganan losodit kerai kotoma aput naka Edeke, lo da erai Emoyo. Yokana 4, ebala, "Erai Edeke Emoyo, ido ngul luemaete Ngesi ibusakinit aima Nges kotoma Omoyo ido kotoma Abeit." Konye erai Edeke Emoyo. Ido etunganan losodit, loabu Ngesi kosub, kerai etunganan-lomoyo, ido ajai ngol kotoma aput naka Edeke.

Kosodi konyet Ngesi aibwaikin etunganan lo toma akuan, kosodi etunganan aibiror. Kwangin do abu Edeke kobu kwap kosodi ajaun toma aput naka etunganan, tetere Nges elakuni etunganan ngol loebiroro. Ngin nges akirot alopet cut naka Akiro Nukajokak, kotoma-kotoma aomiteka.

23 Kwana, Edeke, kotoma okar ilukumin ikanyape, kodaunite airaikin ikinyom lu kere lueumokina, arai kedaunit Ngesi einer Akiro. "Ebuni araun koipone kalo. Ekitoi lo ejaun. Lo ejaun." Nginibore kere etekooro. Arai cut yenejok. Ido abu Ngesi kicorak nginidiopet kotoma okinyom kangul ebe apote kesi araut, apote kesi aijulakin ikulepek araun iraasit yenikepone loka aijar ngin nakinerit Akiro naka Edeke kes araut. Arai kerai ekitoi loera eloa, kerai bodo ngin aitolomun eloa. Arai kerai edukudukut kerai bodo ngin aitolomun edukudukut.

Naarai Ekasuban lokapolon kebu cut kiyakia Akekirot, ido kejai ikinyomit Yenikirot nen eringa ikinyomit ilopet kesubuna. Ido Akiro nges abu kosub ikinyomit ngin. Teijo, "Abu Ngesi kiswamaun akwap kotoma oboro lumam atakanete." Teijo, Ngesi-abu Ngesi kiswamaun akwap kanuka AkirotoKe. Abu Edeke kiner nginibore kere araun yenejai.

24 Ido kwape keraar Edeke, Ekasuban, kinera iboro kere toni araut luejaasi, iburai kerai akwap

nakitekooro. Kerai ngin a-a aiboisit nakibus noi. Kerai ngin a-a paradais nakabeit nateni kane kakwap.

Kwana, kwape, nginiibois ibusakinit ajaut kede headquarters nenice. Airiamun na iburai kojai headquarters, ido atukot na iburai kojaatar kede headquarters, ido ekanisa iburai kojaatar ka headquarters. Ido ejaatar Edeke kede headquarters. Kwangin do aibois na naepol, akwap na nakijari oni kotoma, ejaatar kede headquarters. Kwangin da Eden lokapolon lo ajatar kede headquarters, ido headquarters ke engarenikinitai komanikor loka Eden, arai toma Eden, kide naka kotoma omanikor.

Kosodi Edeke kuju kana, kanu ayaite isubanaKe kere luepolok kane kakwap, okokuKe ka ateran naka okokuKe, Adam ka Keba.

25 Edeke nges arai Papa loka Adam. "Kerai Adam a...okoku loka Edeke," kwape Iwadikaterere Obaibuli. Kerai ngol okoku loka Edeke.

Kosodi Edeke aiswamaikin ngol ikengarakanin, alemun kinga kotoma akuanake kelopet; acepak amaan najai kuju naka etauke, tetere ngin ejai die keng, kosodi aiswamaikin ngol akengarakanin. Mam ber kerai aberuke teniteni kapak kangin, kwape da keringar ber kerauna ekiliokit; kerai cut Nges adaun einer ngun ngipengin. Ido nen nges abu ationis kolomunia, abu Satan kodum ngin eringa Adam kedumuna. Kwangin do, kerai cut AkirotoKe nakinerit Ngesi.

26 Abala eong ebe, mam eong akoto ayangaar apak naepol noi kanejai ngin. Konye ice kayesi epedorete kacepak akwes aiguruokin, kanoinoi ice kotunga kokuju kama kotoma-kokinga kalaije ko Ongalakimak, esubit bala edumunete na erai naiguruokini akwesikus, kamaka Aisiiraret nakijaar eong naebunit kaneejai Edeke lolo. Mama ejaas itunga, ngin naikamunit aur naka emun. Ido alosi alosit ore, arai ekoto Ejakait, adiopet kotoma apaarasia kanu, Jeffersonville. Akoto eong bala aisiiraret naedauni isawan ikanyape, kasodi aitetenaar ngin kere, teijo, tetere cut kibwaikini ngin toma aput ngin naijenuniata yesi ngun nukinera oni nuke. Ido erai kereka ngin EBALA KWANATA EJAKAIT. Erai cut ngin kwape nakabeit kwape nakeanyunia Ngin Iinaciwok Florence eringa ngin keloto, ikar luipu. Teijo, erai ngin Abeit. Ido kwana kereka oni...acepak mam ngin emisiikinitai ejok.

27 Karai icetunganan abunore neajai eong, ibore ice yenitegelikina, ti acepak eong asub bala mam amisiikini ngin ejok, eong elopet. Mam ti eong akoto aicaar nuelimuni idiotunganan. Mam ibusakinit oni aicaarit idiopet ka nginice. Mam eong agwaunit akiro nuka aswam ngun; emalai eong Ejakait. Ecaenene eong adiakar ka amamus aiyuun, konye komam erai itunganan ilopet, teijo, eong-mam eong. Kirai oni-kirai oni iinacan ka ainacan, lukiuta, kilosi oni kwap neabu Iinac Florence kodol bian tupuruc, teijo. Ngin...Oni-iburai oni kere abunore korot kangol. Ido mam erai apeleikineteka a-atamit aica onac arai iinac yenimam ekoto acamanar kede jo. Mam, korau ngin naelwana kamakang aswam ngun! Mam eong aomit arai caat iiri jo adumun atEEP na eiritor eong alimun ekiror loka itunganan kotoma. Na da abu eong kapupi irwan ipu ebe ebucarit itunganan ngin, konye erai ngun kiding kes kede Edeke. Konye ngun nueroko, kopone loka adiakar ka...Ido nuamamus amisianakin kacepakio mam da ber erai adiakar, eraas bon nuamamus amisianakin naka itunga. Ido eong-aomit eong nginidiopet kaoni ejaatar kapedor na alimun oni ikulepek kopone loimisiikinitator oni.

28 Kwana Ekasuban lo lokapolon abu kisiboik okokuKe loabu Ngesi kosub. Kwana, Adam nges okokuKe losubuna losodit. Yesu arai OkokuKe loteluna, teijo, abu Ngol aberu kouru. Konye Adam arai arasun cut kakan naka Edeke, kotoma asubunio.

Kwana headquarters, nepepe ka eKe-okokuKe ka ateran naka okokuKe kuju naka kere, atakani erai naitekooro noi. Kejai nen e-e etunganan, akou naka ngun kere, okokuKe Obe ka ateranike.

Ido nginikinyomit arai yen ajokuna cut, idukudukun, ka iloan, ka anya, ka ikweny, kosodi itiang. Ido nginibore kere kejai toma ainapetaait nepepe ka Aicorakineta naka Edeke, "Siri kijulak einonokon. Kitolom yenikeponeke, ngolicokat! Eloa, siri nepetai da ijo kitapaar araun ekitoi lopapali." Ianyutu? "Edukudukut, siri nepe tai da jo kitapaar araun icebore. Konye ngolicokat koponeke!" Ido kebu Ngesi-kebu Ngesi kosenen ngun kotoma apakio.

29 Ido kebu Ngesi kinerite Akirot. Ido ApedoriKe naesubuni kebu kiswamau iboro lu luapotu kolomutu, karaida etunganan ka aberu. Ido kes keraasi akou naarai keraasi kesi e...keraasi kesi lukitelekaritos atekerin kere. Ido abu Ngesi kibwaik ngul kwap naka aidario naka ibore yipeyi yen abu Ngesi kibwaik ikito, itiang, ka ice da kwangin: AkirotoKe. Mam cut ibusakinit kes nepetai da, kopone edio kere, aibil Akirot ngin. Ibusakinit kes asalit Nen. "Siri cut kilema idiobore awai kama ejai Ngin, arai aiyatakin idiobore neejai Ngin! Icorakinitai jo aajar kanuka Akirot kana."

Ido alemar bon na tikejaatar isuban ngul ejarete kopone kangol, Iinac Shakarian mam tibusakinit enyounit atupuruc na, alemar bon na ti esalitotor ngul kopone kangol, abar naepol naka Edeke! Erai nukiyuunit oni kes nukijai oni abongor mamakec. Kijai oni alosit abongor toma aibois ngin, aiboisit ngin.

Ne da atupuruc ngin nakikanyetekaarei, naabu Edeke kongolekinio ngun kere, kosodi Ngesi atemar, "Ejokuna. Eong-eyalama Eong kanuka ngun. Eebo, Eong-Eong-eyalama Eong abu Eong keswama ngun.

Ido eraas ngun kere nuejaas toma ayaetai. Ido ebwaik eong amuno neejai okokuKa ido neejai aberuke, ebe-ebe epote kesi (aitaraun kes akou naka ibore kangin kere), ebe epote kesi aidar ngun kere kosodete aanyun ebe ejokuka kere, ebe nginibore kere ebuni aitolomun yenikeponeke. Kwana ejaatar nges kede apedor naka aswam ngun." Kotema do Edeke ebe, "Eebo, arai eraas ngul kere luejokuka noi kwangin, ido mam epedori araut ibore ice bobo, naarai erai ngin eipudiKa Obe. Erai ngol epone loakotor ngun kojaasi. Ido enerit Eong ngun kopone kangol, ido ayangautu Akakiro ngun becebec kopone loakotor ngun kojaatar. Ido engibongin kanen. Ejokuna kere!" Kwangin abala Ebaibuli ebe, "Abu Edeke kiyengu apaaran naikanyetekaarei, kotoma aswamisiKe kere"

30 Ido kojai nginibore kere kwap naka aigaligalio, aitolomun nuka eponeke. Kwana kiitutu, "ayangaun." Naebwaikinia Ngesi ikinyomit toma akwap, epedori bon ikinyomit alomun kede apedor naka aijar naejai tomake, kanu aijulakin nges kama karaut icokat toni araun irasit, araiboot kere nupe kerai ngin, kede apedorosio ebe abuni ngin araut ibore yen abal Ngol ebe abuni ngin araut. Ido alemar bon nakesalitor ngin toma ojauteneke loibusakina, ti keraun cuticut ngun nuabala Edeke ebe abuni ngin araut. Ibusakinit korai kopone kangol naarai kebu Ngol kiswamaun ngin kopone kangol, kosodi aiswamaun aleles. Ebe, idiobore kere yenesalit toma alelesiKe, toma aigerositiKe naka Akiroto, ebuni aitolomun becebec kwape abalar AkirotoKe ebe abuni ngin aswam. Mam epedori aiwotokin kanen. Erai ngin naitetenikinitai kodolite cut becebec. Kangin do, nepepe kanginibore kere kotoma amunokina kotoma okokuKe Obe, ebe abuni ngin araut kwangin, kosodi do Edeke atemar ebe, Ejokuna kere, kwngin akoto do ber Eong aiyengun. Ido nginidiopet kotoma okinyom kangul ejaatar kapedor tomakec, aijulakinor ilopet toma epone naepuda eong nges araut. Ido ngun kes ibusakinit nges araut, naarai ainakinit eong nginikinyomit apedor naijulakini, aiswamaun kotomake kilopet, kotoma apedorosioke kwana aiswamaun kotomake ilopet becebec nuakoto eong nges araut."

Mam cut Edeke ijulakina. Erai cut ngopengol lolo kwape sek keraar Ngesi kapak kangin! Edeke kelosikinit aswam ibore. Ebuni Ngesi aiswamaun ngin. Emamei ibore elosi airebokin Ngesi. Ebuni Ngesi aiswamaun ngin!

31 Kwana akaulo nakeraatar kere nuejokuka ido kojaas toma ainapetai, abu Edeke kopup ejok cut kwana ebe apote nu kere ajokis, kosodi konyet, naeswama Ngesi, kobuni do lokasurup. Alosi kwana eong ai...Abu Edeke koinak apedor kanu aijulakin. Ido alosi kwana eong anyara ekesa lo, loejaatar kapedor namam a-a esubuni bobo, konye eong arai...Kejaatar ngesi kapedor aitwangal, mere aijulakin; konye aitwangal. Kwana, idiobore yen itwangalitari erai yen eyangaaritai awai kama ejai ejauteneke logeunet, ejai ibore yen etwangali ngesi kamake.

Ikar idis luatuboros, ajai aimaniman, alosi eong kuju ketorite toma amanat nuka ekirididi, aoomoene eong nuka, ajai atenut nakutunit ekwam abilun kokitoi, ido abu kodo asirimait naka ekirididi. Kwabo atamit asirimait ngin nuepedori kere anyoun aitenar kopone loebusakinit nges ajaut, konye etwangalitari nges naarai kebu ibore ngin kiswamaun. Ido aperi akitoi kokujuke

32 Konyet do kidumuni oni emaniman lokitui. Lo da, luipu kayesi ikiliok kane, ido acepak ace kotoma yesi angor...arai iponitosi yesi ko Kentucky. Itwasamaete angor imelekes kangina kwape ka ikiliok, alosit ngina omanikor kede-kede emeleku, lokinyarit emurusing lomojong loka etudo, ido aisiebanar e-e emaniman. Naarai, arai mam jo isiebanari emaniman ngol alemanar, nejaar ekirididi okokoro, kopone kalo, apolouke bodo epedori emaniman ngol aliaar, akodun ekirididi, kosodi aiweniwen ngol motimot, kapatan noi, kacoa noi, ebe ecicing jo ajenun ebe euta aiweniwen. Ido konyet kawasia iyatakin agogongoor ka agogongoor, ido iriuni ekerididi ngol kiton naitwangalia. Airiyar ngol mamake, kosodi aridakin atoromike; aitwangal ngol kama ajai ibore yenisek kerai, aitarauun ibore ice. Konyeca erai ngesi ekirididi, konye erai ekirididi loengwalit.

33 Ido kiringa oni kere ijai toma aput naka Edeke. Konye angwalata ice noi, kwape odwe luka Edeke, luelosete kopone lomam erai loka AkirotoKe ka erot da lo-lo akoto Ngesi oni koinak da aloseneneo. Aibwaikin icebore, emojirikinete akwapin oni aisukunyaar kinga korot, airiyar oni diekec, ido awai kama ejai ididi ngin yenabu Ngesi kiraik oni toma, araut odwe ka adwe nuka Edeke. Adiakar nges eswama ibore yenikaronon yen mama ejaas odwe ka adwe nuka Edeke.

34 Eketwangalan! Ajeni eong, esubit na bala naitegelikina ener nuka ngun kopone kalo, "a-a aitwangal," konye ibore ngin nges kerai ngol; abu kitwangal, araiboot kitapaa. Aitapaar apolouke "aijulakin cut, aitarauun ibore ice yenegelara." Ido aitwangal erai ibore ngipengin, ebe ayaun ngin lailo kosodete amunaun, ido "eswamaun kopone ece." Konyeca eringa erai ikinyomit yipeyi, konye etwangali.

Kwana kidumuni oni ebe ekamunaaran lo ajaunotor ngesida kede apak nairiakas kayapeya, kanu amunaun, kwape kejaatar Edeke kanu aijulakin. Kwana abu ngesi kiraik ikekinyomit, arai, mam abu kiraik ikekinyomit, ngesi...kotoma omanikor loka Eden. Ageun kapak kangin, ajaunotor ngol ka ikar ilukumin ikanyikape luka amunamun Ikinyomit yenika Edeke, Akiroto naka Edeke; amunamun Ngin, aitarauun Ngin ibore ice yenegelara; na nges...irwan nasodit naabu Keba kopupokinia nges, kosodi alopet adumun cut bon alimunet adiopet.

35 Kiitutu, nasodit ber abu Satan kotaku Naiwadikatai Obaibuli korai cut naecai kwape tikepedoria aica, "Ebala Edeke ebe, 'Mam inyamete nuka ngolikitoi kere loejai toma omanikor loka Eden?'" Ianyutu "Mam inyamete nuka ngolikitoi kere?"

Ido kiitutu kwana, kotema Keba atiar, "Eebo, kipedori isio ainyam nuka ngolikitoi; konye ekitoi loejai kiding omanikor, mam ibusakinit isio karaida ber atiror ngol." Kwana kosesen ber jo ngol, kotoma aisiirareteke, emojirikini Akirot ngin cut needit nepetai. Kotoma alimun...Kotema Keba atiar, "Naarai abala Edeke, ebe, arai kiswama isio nu, apaaran ngin 'kitwaki' isio."

Kotema ngol, "Oo, mam cut yes itwakete." Teijo, kerai ngesi a-etunganan, kotema ngesi atiar, "Yes-yes-kiswamata ber yesi nu kwana. Ido, yes-iraas yesi-iraasi yesi itunga lumam ijenete. Yes, teniteni, mam yes ijenete iboro kere. Konye karai bon yesi konyamata na, ijaunos do yesi kede acoa, ijaunos yesi kede aijen. Ti yes kijenutu nukajokak kama ejaas nukaronok kosodete aputokin ka idekesio, yesi, karai bon yesi kocamutu acoa na nakijaar eong. Ajeni kereka eong, konye yes mam."

36 Na da, erai ibore yenejok ajaut kede acoa. Konye arai erai acoa ngin naitegelikina, arai mam acoa ngin erai acoa naedolit naebunit kama ejai Edeke, Acoa naka Edeke, ido koraun acoa naka akuan; mam eong apodo arai etia ai sayanis nakijaar oni, ka inyo-bobo, arai aisia, erai naka ajokit. Abuni eong aitogogong ngin mamakus, arai ekoto Ejakait, kotoma adakikan adis. Erai ngin naka ajokit.

Apol erai naka ajokit. Eyapie nape angetakinia eong alimonokin ngun. Inonosio kere kotoma akwap, apedorosio ere nuka sayanis, ka nginibore, erai yenika ajokit. Erai ekeijiri loabu ngesi kolimonok, ajenun, kotoma omanikor loka Eden. Ido ayanga ngesi ajenun ngin, ajenun naitapaaritari, korai naitegelikina kama ejai Akirot ka akote ka aitemonokinet naka Edeke. Kosodi kereka kwana ajaunotor ngesi kede ikar ilukumin ikanyape kanu aismama cut becebec nuabu Edeke kiswama, kilema bon kopone loka aitapaar, ido ayanga apak nairiakas kayapeya kanu ayangaun Eden keng toma. Kwana ejaatar ngesi kede Eden kane kakwap, ido erai naileleba acoa, ajenun. Kerai ngol nges ekeijiri kageunet, ajenun, acoa, sayanis. Mam cut Edeke iiritor apodokin ngun. Ido eong-akoto eongyes asesen adaun adakika. Abu ngesi kiswama nu, ido naarai arai ngesi etunganan loka acoa naka akwapin.

37 Kwana, erai naeninik alimun nu. Erai ngin-erai ngin naeninik naarai enera nejaasi itunga luepupete epone lope apupio eong, ido epone lo lem ajaar eong adaun ikar luipu. Konye ageun napukore Aipuceta Akanyikaarei ngun, nuka Imalaikan kangul cut kokau naka emoru kalaingol, Arau Lo Eitabo lokitetet. Erai iboro luemunonitari, kes ejakai apukonor kwape esumunitor Edeke kotoma Apukokinio 10, abuni Ngesi aswam ngun. Ido kirai oni itunga lukarereng luaseu Edeke, luka akwap, ebe kapedosi oni aanyun ka ajenun da iboro lu; luda mam eraas akiro ace nueomitai aomit bon ebe eraas nukabeit, aomisio nuka akuan nuka itunganan yen etamit asubun ngun. Erai Akirot naka Edeke itodiaritari, itogogongitari, ebe erai Ngin naedolit. Itogogongitari, mere kede sayanis; konye kanuka Edeke, ebe erai Ngin naedolit. Edeke, kwape adaunitor eong alimun sek kotoma aisiiraret ace, mam Edeke ipuda idiotunganan aijulun AkirotoKe. Erai Ngesi ekejulaniKe Obe. Elimuni Ngesi ebe etakanuni ngin, ido etakanuni ngin. Erai ebe, Ngesi-itogogongi Ngesi ngun, ebe ngun nges ijulunitos ngin.

38 Ikar idis luatuboros na, oni itunga lupentekotin, na a-a alimokiniata ikanisan luce oni ebe kirai oni "luijangakina akwes," oni "mam apedoros, Emoyo Lokalaunan kerai ibore yenetubit apak." Konye kipou oni kadumutu ebe aismunet naka Edeke erai mama ejai yenekoto, ido kwana kijeni oni kopone loegelara. Teijo, ido erai kereka ngun adis kanuka adis, apukor ibore yen cut.

Kosodi kereka kwana esumunit Ngesi ebe nukaiyeiyea ngun nuebwaitai kotoma kangun, aturio nuka ekanisa ngun kere, aponio apukor cut kawasia naka apak. Ido acamaki Ngesi oni ajenun ngun kwana. Kijai oni toma apak nakawasia. Kijai oni ne kwana.

39 Kwana, Satan nges ekageunan loka apol. Nges ekageunan loka sayanis. Erai nges ekageunan loka aisia.

Itemarete yesi atiar, "Erai kereka ngin nakabeit?"

Mam ace, kasiomutu do ber on i kotoma Akirot naka Edeke kwana, Ageun 4, ido kabongosi ber oni kau kasodete cut aanyun kanu adakika adiopet. Ajeni eong katicepak eong...Arai kayangaik aojau noi, Onac Carl ebuni acepak aikwenyakin eong. [Ebala icetunganan ebe, "mam ace."-Ekewa.] Konye, Ageun, esula lo4, ido ekokoro lo16, elosi akonye alimor kane, kotoma ageunet, nuabu Edeke kiswama, tetere aibwaikin ekenit mama ajai etunganan ka aberu, kede ngun kere nuapote ngul aswam; kwabo mere ekenit ngol nejaasi kesi, konye alimokin kesi nuapote atakanun, ka aiken akwap kanuka Adam. Ido kidumuni oni kane kwana, ebe kebu Keba kimu idwe iarei. Ido ediopet kakesi kerai loka Satan, ido ediopet kangul kerai loka Edeke.

Kwana itemari jo, "Uh-oh! Mam. Onac Branham!"

Kopala ber apak edit. Kodumak ber jo eong adiopet Naiwadikatai Obaibuli, kanenidio, naebala ebe kerai Kain okoku loka Adam. Ketodikini eong jo neebala ebe, "Kerai Kain loka lokaronon," mere Adam.

40 Kwana koany jo napotuunio ngin kane. Kigeuni oni kotoma osula lo4, ber.

*Kojenu Adam...akeberu; kopotuu, kouru Kain, kotema atiar, Kainakin eong ekes...abala kwana ngin, kainakin eong ekes kama ejai Ejakait.*

Ejena bo, kiburai korai. Mam akiro arai kerai amalayat arai idiobore kere, kiburai ngin abunore kama ejai Edeke, teijo, naarai ngin nes ikinyomitiKe, erai ngol ekisil loka ikinyomitiKe, iburai aitolomun karaida kerai ikinyomit yenemunaara, ikinyomit yen itapaaritai, araiboot ibore kere yenipe erai ngesi. Iburai nges alomun, karaida biai. Erai ngin aicorakineteKe.

*Kouruunai bobo onaceke Abel.*

Mam bobo abu kojenu ngol. Kojenu Adam akeberu, kouru ngin Kain kouru bobo Abel da, imwatok. Kejaikina Satan ka ngin atupuruc ngin, Adam atiibong ngin.

41 Ianyunitos yesi ecelet loapol loajai toma apapula kane, eyuunit eong bala arai ko Tucson kwana, loka aberu kangin euruuni ikoku yenikirionon ka ikoku yenikakwangan, kapak adiopet. Kebu ngin kojaanaros ka okilenike atupuruc ngin, kosodi etunganan je atiibong ngin. Ido akoto etunganan ngol aidar...abala emusugut ebe ebuni ngesi aidar ikekoku elopet, konye etunganan lokirionon ebusakinit nges aidar ikekoku kelopet. Ianyu? Ajeni eong ebe, kotoma ainyalinyalio naka ingokwo ka ice da kwangin, ebuni cuticut aismamaun, arai kejaun ngin isawan idis ekaulo. Itogogongit na ngun.

42 Kwana aitoduun nekebungio apol, kwana kasiomata oni Ageun lailo ne, kotoma osula lo4 bobo loka Ageun, kasodete aanyun aibo. Ekokoro lo16.

*Konyou Kain kakonyen nuka Ejakait, koboieneinei kakwap naka Nod, kari nakokide naka Eden.*

*Kojenu Kain akeberu; kopotuu kouru Enok: koduk ere, komaik...ekiror loka okokuke Enok.*

Abu apol kogeun. Doctor Scofield, kane kotoma Obaibulika loka Scofield, ebala ebe, "Apol nasodit." Koanyutu, kogeuni do ngesi aur odwe, ido apotu ngul kiswamat luraman lueruosi ka ayoore. Loatupakini abu kouru odwe, kogeuni ngol aswam iceboro, aumonokineta, aiduk ireria, ka-ka aswam iboro luka aisiinit, ka iboro lukiponesio kere. Teijo, ngun nges abu ngol kiswama, koraun apol nasodit, nada kerai naka-Kain. Eswama ngesi ibore ngipengin kwap cut kotoma aturio.

43 Kwana kadolokisi ber oni nen nepepe kekokoro lo25, ido kaanyutu inyo natupakini.

*Kojenu bobo Adam akeberu; kouru ikoku yenitelepat komaik ekekiror Set; Kotema atiar naarai abu Edeke kainak eong aurun ice aibois naka Abel; naarai abu Kain koar nges.*

*Ka Set...Ka Set da kouru okokuke; komaik ekekiror Enos: ido kapaarasia kangun nges ageuniata itunga aiwonet ekiror loka Ejakait (Kowai loka Set, mere lukowai loka Kain).*

Teijo, loecobe ngol loepol lokidongakina oni kere mamake! Inyobo eipamorane lolo, inyobo ekecedeke? Erai acobeu, sayanis. Anyoika bo kiswamai oni, karaida biai? Aibo kijaria oni? Koomoom akiro nu lolo.

44 Kwana ejaatar ngesi kede loeputosi ka Eden keng kwana. Kotoma okar lu ilukumin ikanyikape, asubu ngesi (mere asubun), konye amunamun akwap kere naka Edeke, isubanaKe, itiang, ainyalunun bonik ka ainyalinyal da kice; ikito, iraan, itunga, kiton da ber ediini, Ebaibuli, ekanisa; kiton naadumakinor elopet emanikor loka Eden kaileleba, loka sayanis, nginibore kere elosi kanuka sayanis. Imotokan wok, nginibore kere yenikijaar oni, aponi koinakinai oni kanuka sayanis, nueswama etunganan. Ido ejaatar ngesi kede Eden keng naepol kane; kanu aitogogong Aisiiraret ebe erai kotoma apak alopet, kanu aitogogong ebe mam erai atur ace konye Apukokinio 10! Kongolek ainyalinyal naejai lolo, kanu aismamaun yenejok adepar, arai, yenitemel adepar, mere yenikajokan, Kongolek jo idwe lolo.

45 Ayangarit eong akooka neejai emuron loka ikel, bian, ido abala ngol ebe ejerijera ngin ikekel. Onac kokwap kangina ko Tucson, Onac Norman, ajaatar kede akooke ido ediriasi ngin ikel kokinga. Ido emuron ngol loka Ikel abala ebe atipet noi, iyuunit ngesi ebe, kacepakio nueponitosi koingaren, eponio aur itunga, kopoloete ikel kopone edio kere, erai inyammat lukinyamenene oni, inyammat luinyalinyalita.

Isiomitosi yesi Reader's Digest, olap loatubor, nuka Billy Graham, ekalimonokinan ngol lokajokan? Ipuenenete tope yesi ngol? Elipenene kwana eong kanukeng adepar sek. Naenerar ngesi mama ejaasi ngul luibelokinitai akolai kec kau, ka ice da kwangin, akuare ya, aiperikin ngin mama ejaas ikengarenok ngul luka ediini. Eswamaikin icebore ngesi. Adiopet kotoma apaarasia nu, amuno eong eanyuni ngesi aiboisitike neejai ngesi, koanyutu, kwana erai anyaraunio kinga ko Sodom, ere ngol loitapaaritai. Ido kwana koany nu kotoma Reader's Digest, abu Billy kononokiar noi ebe mam da ber nges apedori aitolot airiamunetake. Ido aponi kolimokinai nges ebe ibusakinit nges akerit, aitetemonor, ka ace da kwangin. Aso ekeri ngesi amairo adiopet kanginipaaran, eyuunit eong bala erai, arai icebore, kanu adumun aitetemonor.



46 Abos etunganan. Ateker kere naka itunga amunaun. Nginibore kere esubit cut kwape ajaar kotoma apak naka akalele. Itotolikino ne cut, ibelokinitai, egelakina kama ejai ekokoro loideresit loabu Edeke kiraik kes toma. Adiakar, kotoma sayanis ka aingal, amojiriki ateker kere naka itunga.

Ipotu kereka yesi kosiomata da kwap naka aiwadikaet kangin, neabalar ebe, "Kotoma apaarasia nu, ebe apesur ka itelepai edolokinete kiding naka aturikec, kwape ejaar epone loka akuan, kiding ikar akaisaarei ka akaisaarei-kikany luka amojong"? Koomoomoata ber yesi ngun.

Kotoma amisiikin nakomoyo akuare ya, abu eong kalem apese naka ikar akaisaarei-kiarei luka amojong, kojai toma apak namam bobo edekanakinor elap, abu kanyarau ngesi kinga. Ido kerai ngun nges kelimokinit emuruonike loka adekis nges.

Teijo, erai na atur naibiroro, naepuro, ateker naka aibos naitebeikinit alosit-ogeana. Ajeni ebe epupo ngin mam erai iponesio luejokuka, konye eraas nuejaas Obaibuli, teijo, ebe erai ngin nakabeit; ido ateker na nakijari oni kotoma, atur na naka itunga.

47 Kwana koany lolo, ainyalinyal ibegoi luka akituk, ainyalinyal ibegoi luka iraan; kobonguni cut bobo sayanis airimun kanen, sayanis ngipengin naiswamai ngun, ebala ebe, "Ngun kes ejaasi amudiar ateker kere naka itunga." Isiomete yesi ngun kwape asiomitor eong. Eebo, kanukinyo bodo mam kes itobwouniata ngun? Erai naarai mam kes epedorete aitobwoun ngun. Adau Akirot naka Edeke alimun ebe apote ajaut kwangin. Konye karai kes aomoom kanuka adakika adiopet, eraasi kesi iboro luitwasamao, kwape Yuda Isikariot, aibwaikin becebec ibore yen abala Edeke ebe abuni atakanun. Ejai ngin aswam ngun cut becebec kabwoetaitikec obe naka sayanis.

Kanuka aingicike naka sayanis, kainapetait yapeya naetapaaria ngesi Keba, etapaa da bobo ngesi ekanisa, nada kangina kerai Keba aitupuset. Kwana, kwana Adam aitupuset kangina bobo, arai Keba, ti gwai, naka ekanisa, koany nuabu ngin kismama. Kotoma amoot acoa, abu ngin kojurusiar atubor kokokoro lokokiding nuedolito ka nuibiroro, kanu apupokin aitapaaret naka Satan, arai aitwangalio, naka Akirot naka Edeke nageunet.

48 Boboda kwana ikanisan luka lolo eraasi luengwalitos. Kwana mam eong enera nuka itunga, idiopediope. Enera eong nuka akwapin nuka ekanisa. Emojirikinitai ediopet opone ediopet, ido ediopet emojirikinitai opone ece, ido, kanuka sayanis. Ainapetait yapeya naabu ngesi kismama. Etodoliki ngesi aitukurianeteke, Satan eswama, naka Isaia 14:12.

Kasiomata do ber oni ngun kanuka adakika adiopet. Kotoma Oitabo loka Isaia, kageutu oni kosula l14, ekokoro lo12.

*Ibirun ca ma kakuj, O Lusiferi, okoku loka acilakide! Kijeparitai ca ma kiton alup, ijo loibu kitisil atekerin!*

Isaia loajai aanyun nges kotoma aitapoet, teijo, kotoma atur naabunit.

*Ibu kiner kotaukon ebe, adokari toma akuj, etopoloori ekaicolong aitelekaar aacer nuka Edeke; ido eboikin omoru loka einos,...kosange loka ari naka agolitomei:*

49 Alosikinet naka Satan, ameun ko Eden, kerai aismamaikin ngesi elopet Eden; kosodi elopet aitopoloor kaju, tetere aacer nuka Edeke emaete ngesi. Ido cuticut etodoliki ngesi ngun kwana, ido naeswamaunia ngesi nu kosodi ayangaun ngun toma okanisa. Na da, mam eong abu alomar toma aidules. Idiotunganan kayesi yenepupenene atepun ngun ejeni nukamunitos ngun. Ebe-ebe erai ngol cuticut esawa lokijari oni kotoma, ido erai Satan nges eswama ngun kitorite toma opurogram loka aisisia, aibecokino naejok itia, yen yenejok itia, ngin yenejok itia. Kwabo komam ejenete, apak kere, ejaasi kesi aiderokin alosit cut toma atwanare. Luitumudakitai, ingarenikinito imudukiok, ikengarenok luemudukaka luka atekerin, ikengarenok luemudukaka luka sayanis, ikengarenok luemudukaka luka ekanisa imudukiok ingarenikinito luemudukaka. Abala Yesu ebe, "Kinye ngul bonik, epote kesi kere acakakin aipany."

50 Kane koany aitupuseta nuka luEden aarei nu ejok noi itupusitai nepepe, kiton aibuc aitapaar Luseuna obe. Matayo 24:24 abala ebe apote ngun ajaun kopone kangol. Konye akoto eong oni abwoun kanuka apak adiocar kasodete aomoom nuka luEden nu aarei, ido idiopobore kanonoi, epone lokilimokinito oni Ebaibuli ebe Akirot naka Edeke nges abu kitolom Eden ngin, ido epone loikwenyaritor oni Akirot naka Edeke ebe abunit kereka Eden nace ya da.

Kwana, kijeni da kereka oni ebe ibusakinit kojaun Eden ace, karai oni ti da apupokin enabi, Paul, kotoma Isesalonikan Lokiareit esula lo2. Apedori eong asiomun Ngin arai ikotosi yesi.

*Ngol loitopoloor bon; mam apaaran ngin ebuni, aitodol etunganan ngol lokepali apukorio,...*

*...ngol loiboikin oyekalu loka Edeke, loitopoloor bon aitelekaarit ibore kere yenyaritari Edeke, tetere ngesi kwape Edeke eraun loemaio kwape Edeke.*

Koomoom ngun! Kwana Isaia 14, ebala enabi ebe abu ngesi koany "Lusiferi kotoma otauke," kotoma aitapoet kokwap naka aiyengakinio naka Edeke, "ebala ebe abuni ngesi aswam ngun." Kotoma Isaia, ikar akwatakanyauni eringa Paul, arai bala nepenen.

Kwana kane, ikar akwatakanyauni ekaulo, koanyuni Paul ngesi, ebuni aiboisike. Koanyutu, engetakini kakou, Eden keng; Eden keng naka sayanis, kede akwapin keng nuka sayanis, kede ekanisa-nateran naka sayanis, kere kokwap naka-naka akirot naka "aijen," seminaris luapolok, idigirin luapolok, ipurograms lukaisisia.

51 Kopupok onac, iinac, nginidiopet kaoni iburai alosit aitor orot ngol loetor Florence elosi. Engisit eong yes, Kokiror loka Yesu, aomoom Nu. Mere aomoom eong. Arai eong onacekus. Ngin-mam erai ngin. Komoom Akirot naenera eong, naka Ebaibuli. Kosodi airereor kotoma, Akirot naka Edeke Kelopet Obe naitogogongtai ejok cut kwape nakabeit, kotoma atur nakijari oni kotoma, nekijai oni.

Ainapeta nu eraas cuticut nukasurup nuka kristo, kotomakec akulepek. Kwana, ibusakinit nges ajaut kede Eden, abala ngesi ebe abuni aswam ngun. Kane ejai Akirot naka Edeke inera ebe abuni ngol aswam ngun, ido kane kingolekini oni kinga kasodete asesen ngol iswamai ngun. Eswama ngesi ngun nepepe kaketeran naecobe, naka sayanis, naka idiinin. Elosi nges ayangaar akou, adiopet kotoma apaarasia nu, kotoma World Council of Churches naeponio asipokin. Kere epote ajaun kanges.

52 Atamit itunga, mere naarai eraasi kesi itunga lueroko; eraikinitai kes okokoro ngol loideresit, bala ekirididi, konye abu Satan koyeik imaniamania, luenyaritai sayanis, aingic, aisisia, idigirin luka dokita. Kacepakio mam da ber kesi ecamakinete jo toma opulupit arai mam jo ipedori aitoduun edigiri loka dokita loebunit koseminari ece kanenice. Eraas ngun kere nuibiroro! Mere itunga; erai ainapetai nges ibiroro. Doodo kere kwana anyoika eswama ngin? Adau ngin kere abongor akou bobo, ido ayangau akwapin kere (kotoma abunget naka ainyalinyal, aitapaario naka Ikinyomit yenika Edeke yenigeunet) alomar toma aipurujauna ace naemutono.

Konye eyalama eong noi ebe epodokinit Edeke oni bobo, ebe eringa kopekwangin Ngesi alosit kokuju naka ejautene kangol. Esumunit Ngesi ebe abuni Ngesi aswam ngun, kosodi anyaraun isipan yenicici yen abuni araut AteraniKe.

53 Koanyutu kane bobo kwana, epone loitupusitere ejok noi ikanisan lu, arai luEden lu.

Edeke kotoma Ikinyomit yenika AkirotoKe! Ido ejai kereka ibore idiopet bon yenedepori ainakin Akirot aijar, ido ngin nges Emoyo, naarai erai Ngesi Ekainakinan-Aijar neejai Akirot. Ido nairiamunotor Aijar naejai toma Akirot kede Aijar naka Emoyo, itolomuni ibore kere yenerai Ikinyomit ngin.

Kwana koanyutu nuatakanutu. Kotoma omanikor loka Eden ajai abar naka Edeke naka amamus adiakar, ido kerai ngin adiopet naka-naka aijokokineta. Aijokokinio nasodit kerai amamus adiakar, mam itunga ajenete adiakar. Mam kes ajenete idiobore yenikamunit adiakar. Kere luarei Adam ka Keba emujalalas, konye emukoritai kes kama ajai amujalalakec, kede aigalisit naka emoyo naemukorit akecekonye. Mam cut kes ajenete ebe imujalalas kesi, nepecep da, mam kesi ajenete inyo kerai ibore yenejokuna ka yenerono. Kwabo kes kere abwoete kanen imujalalas, itoduunit ebe mam ber aijen ngin kedolokinit kes, teijo, ebe kimujalalas kesi. Luarei ngul kimujalalas kwabo komam ejenete.

54 Kwana arai kipukosi yesi, arai ikotosi yesi, arai aiwadikaikin ngin kwap, neejai Apukokinio, esula lo3. Emoyo Lokalaunan ejai aidwar nuka atur kana nakawasia, mama ejai Atur naka Ekanisa naka Ipentekotin luko Laodikia kotoma aparaasia nukawasia, abala Ngesi ebe, "Imujalal jo ido komudukana da, kwabo komam ijeni."

Engin kanen Ikinyomit yenika Edek, kokwap naka amamus adiakar, mam cut kejenete nepetai da ebe emujalalas kesi, kokwap naka aigalisit naka Emoyo Lokalaunan, imukorit kes kama ejai adiakar.

Doodo kwana kotoma atur nakawasia, kidumuni oni kane ebe imujalalas bobo kesi, kwabo komam ejenete. Konye mam kereka erai aigalisit naka Emoyo Lokalaunan. Erai aigalisit nakebu Satan kocakak aimukoria Keba kokau kangina, aigalisit naka eimiel, aigalisit naka eimiel. Esiliaka kesi noi kiton nemam kes ejeniata ebe imujalalas kesi, angor wok korotin, kigoen lueuriaka, anapito naisingobeli aelo.

55 Abu icetunganan kijukak eong itutubet kotoma apapula apaaran ya, naka eiteitei lo lokitetet loelosete kesi agear ainapit, aomit eong, inches itomonaongon agear kotulin, arai ibore ice. Ido mam eong ajeni arai aok-arai angorowok ejenete tope ebe erai ngin aigalisit naka eimiel?

Kwana jo-jo itemari jo atiar, "Apedori eong aitogogong, kakonye nuka Edeke, mam eong eswamator adiakar naka adoteu mama ejai okilenika, arai eong-eong...kere nu."

Konye ca, kalaije kOtube, eponio anyara jo "nadote." Abala Ebaibuli kwangin. Abala Yesu ebe, "Yenengolekini aberu kosodi aingobel ngin, adau aswam adoteu kede ngin kotoma otauke."

56 Emudukana, imujalal, kwabo mam ejeni!" Mere angor ngun nukican kokinga kangina; emame ibore yen

asuruokinitor eong ngun. Erai aronis ngin! Ido eiswamae loka ekanisa esubit bala amen aanyun ngun arai aibwo asuruokin ngun; ecamakinitos ngun aitub ikecetim, ainap e makeup, ka igoen lueuriaka ka iboro, kokwap naka ekiror loka Eikristayone. Epone loeraar ngin ibore yenisogim! Teijo, imujalalas kesi bobo, kotoma Eden loka Satan, ido mam ejenete ngun. Mam kes ejenete ngun.

Eyuunit eong aseseni eong, acepak, angoliar laingol kane, atapar naeduiere, ebe angor kokinga kanen kwana. Karai bon aberu ngin kojoni ebe ngun nuejai ngesi aswam, konye mam nges ejeni. Imujalal ngesi. Erai akekuan nakalaunan. Elacari akesa ya igoen luabu Edeke kitanapik ngesi, kede emukule, kanuka atur kana. Inyikokinit ngesi angimanar ngol. Imujalal ngesi, kokwap naka akirot naka "apol, aisisia naka adoketai naikiara, apol naitelekaarit, iponesio lukadoketai." Akoto eong ajenun cut ebe elomari na toma. Eraas ngun kere nuka ajokit, ido eponio amudiar naebongunio Ejakait Yesu. Eponio amudiar ngun, nginidiopet kakesi. Mam ejaun ibore yenideun.

Ido, oo, opapero, anatar akwap na kere, kwape ijaar jo aipup eong kane ko Phoenix, koomoom nuka iboro kangul! Ijai jo ne koyaitos ngun. Kwana, Abala Yesu ebe, "Apote ngul aitapaar Luseuna arai epedoros."

57 Emoyo losodit kerai e...aigalisit nasodit kerai aigalisit nakalaunan, Emoyo Lokalaunan, ido mam ngesi ebusakinit angoleun kinga naka Ngin. Konye na-na ageunia Satan ener kede ngin nuikamunitos aijen, kebu koraun ngin airereor kinga motimot toma akwapin.

Ido ngupengun cut kes eswama, akokuke, ekanisa. Ibusakinit jo aseseni, ibusakinit jo ainap bala aacerit ace nakosinema, araiboot ikatumunak ibusakinit aswam bala Elvis Presley arai-arai Pat Boone, arai-arai ice kotoma otunga kangul, kokwap naka ekiror loka ediini.

Pat Boone erai loko Church of Christ. Elvis Presley erai e Pentekostol. Itunga iarei luileleba ajokin lu da acakakisi akwap toma aipurujauna naerono adepar neabu Yuda Isikariot kiswama kotoma abilakinio ebotet naka Yesu Kristo. Mam kes ejenete. Itelepai ngul mam ejenete ngun. Mam eong kijaar kidiobore yen asuruokinitor eong ngul-itelepai ngul, ikiliok, erai emoyo loejai aisinyikoikinit ngun.

58 Kilamar ber jo owai ngol nepetai bon, kinyek emaniman ngol koting airimokin agugu ngin naka ekirididi, kapak adiopet, koany nuetakanunete; adaun ekirididi ngol. Oo, eebo, adau ngol adumun ngol. Ido epone ngol nges ebunio ngesi aswam ngun. Iswamai ngun kanginipak. Kerai Keba aireikin akwapin adiopet bon.

Mere ber eong kalimok yes ibore ice, onac iinac. Kotoma Yokana Losodit, esula lo2 ka ekokoro lo15, kipedori oni asiomun nges arai ikotosi yesi, ebalala Ebaibuli ebe:

*...arai emina itunganan akwapin, araibonat iboro lukakwapin, erai naarai emamei amin naka Edeke kotomakeng.*

59 Kwana akirot kanen mam erai akwap; erai ngin akirot naka Iyonanin, erai kosmos, nada erai apolouke ebe "ainapeta nuka akwapin." Arai kimina oni enape loka akwap, akwapin, arai kimina oni epone loka apaaran, arai kiwomit oni "era na apak naeumokina, oo, kijaar oni kede iboro lu kere," arai iwomoomoi jo ngun, era naarai ibiroro awomoom kon. Erai naitapaarit ajokit. "Naarai arai imina jo ainapeta nuka akwapin, ka iboro da luka ikaru kalu, era naarai emamei da ber amin naka Edeke kotomakon." Kiiitunito ngun. O Edeke! Kongolekisi nukijai oni aseseni toma!

60 Kane akoto eong abwoun ber apak edit kasodi alimokin yes ikirot ice yenididi. Abu eong kapup ekejanakinan loka ediini katukot ace Kojie Losodit loka Akwap kere. Kepotu kesi kocakasi...

Bala Satan kageunet, naabunio ngesi toma omanikor loka Eden. Mam nges apedori abokun Ikinyom ngul. Mam nges apedori amudiar kes. Konye abu ngesi kisikak ngul epoison, ido abu kitwangal Ikinyomit, mam abu kopedo aitolomun yenikeponeke yen ibusakina. Abu kitwangal Ikinyomit yenigeunet.

Ido ngul kes kere ipurograms lu luka ediini. Eringa ca kesi kopekwangin eraas odwe ka adwe nuka Edeke, konye erai yenitwangalitari. Elosete kesi okanisa, akote aswam nuedolitos. Mam abikirat elomari toma osomero loitutuonorere abikiran kanu araut aberu nakaronon. Ekejaanakinan mam elosi osomero kanu cut araut e-e-e etunganan loeronon. Mam jo ilomari okanisa, ka aijangijang akanin, aibwaikin ekonikiror oitabo, arai kere nupe iswamai jo kokanisakus, kanu araut itunganan yenikaronon. Iswamai jo ngun kanu araut itunganan yenikajokan. Konye erai aitapaaret ngin, erai angwal nges eswama ngun. Abu Satan kisikak ngin. Teijo? Mam cut Edeke iiritor ajaun kede erionget. Emamei ibore kwa kangin kanenidio edumunio kotoma Akiro nuka Edeke.

Edeke nges eriongetewok, kijai oni tomaKe, Akuan, kotoma Edeke, kotoma Akuj. Erai ngin nakabeit. Ikiroriawok ejaas toma Oitabo loka Imerekek loka Aijar. Koany.

61 Konye, koanyutu, ajeni eong ebe erai naeninik noi, konye eong-akoto eong yes angirikin aojau napetai arai icamunete yesi. Kotoma apak naka ejie loka akwap kere...Kitimoto eong kanu aikunyar awai kamaka akou naka akirotoka.

Konye kanu aiswamaun adeseikinet na, eong-akoto eong ainakin yes nuesisiaunit nuiswamat Satan kotoma Eden: abu kisikak ekia lo epoison loerono noi. Ikotosi kereka yesi ajenun inyobo ekia ngol? Apedori eong alimokin yes. Kijaar eong kepone loiswamaunitere nges, akiro aarei: amamus aiyuun, nada egironoro kede aiyuun, abu kisikak amamus aiyuun, abunokin. Ido abu sayanis kileleb aibois naka ngin. Neaorori, nealosi alomar toma naka Ikinyomit, abu Satan kileleb neaorori nen kede aijen ka sayanis ka apol, ido etwangal kere kaileleba, isuban kere luka Edeke.

62 Ajeni eong ebe iwomitosi yesi ebe ajai ayangaar yes atenu, konye kereka ajai eong atenu nepepe ka yes. Ido kijai oni kere ne aanyun ebe anyoika ibusakinit oni aswam. Mam oni kinera iboro ngul kanu araut luitegelikina. Ibusakinit oni araut lukiinakina.

Oni, nginidiopet, kiponi adolokin toma awasia naka erot, nekilosio oni abongonokin kanuka nginikirot. Kopekwana cut, kijeni oni ebe iporotoi wok...Nakidounere oni, aimony wok ngin naedit elomari toma ateepeu. Elosio aboliaikin ngin kApaaran naka Etube. Karaida ber igoen luinapit jo eponio aitodiar toma akonyekon, kApaaran naka Etube. Karaida ber sayanis angicu ngun, kanuka television. Teijo, mam television iswamauni aput, erai bon ngesi loitodiari ngin. Ejese loka igoen, kanginipak naijangakinor jo, nginiwomisiot naejai toma aomisiokon, erai cuticut naidaritai kotoma aingadis naka Edeke. Ido ibore ngin yenikapolon eponio apesikin cut iingarenikon, nginidiopet kotoma iteitein ngul luesiiliaka luibu jo konapenene; kanginipak nakilosio jo osaluun, atubor itima ngul luabu Edeke koinak jo. Ebuni araut. Ibuni jo abongonokin kanuka ngun. Mam jo ipedori aijangakin kanen cut, karaida ber aomisio nukotaukon kapak nakiswama jo ngun, eponio aboliaikin kakonyenekon. Ikwaikini ai jo ikui? "Kikwaikini ai oni ikui arai kijalakini aitajario naetia nen?" Ianyutu? Mam oni kilosi aiku. Kanginijanakinet, ka aomisio nuka etaukon, eraasi nuiwadikao cut kotoma akwap ace, karaida ejese loka igoenekon luinapit jo. Etelevision, etelevision loka ijesesio itogogongit ngun cut, iriuni ngin kinga kosodi aitoduun ngin, teijo, ido erai bon ngin kotoma akwap adiopet kamaka akwapin auni nukijaria oni. Ianyutu?

63 Kwana epone loenomina epoison ngol ekanisa, enom akwap! Epoison loka Satan loadoiki Ikinyom, aipiripir ngul kotoma ido ejaiki ngul engwalete. Iyatakinit ido iyatakinit, alomar kaidules toma otauon luka ikanisan, ido toma otauon luka itunga ka nginibore kere, sayanis, sayanis. Aitodol nearaunor aiboisit ne ateker naka itunga, kanu ainyalinyalio...Eyuunit eong ebe nginikinyomit ibusakinit aitolomun yenikeponeke. Ido ateker naka itunga, ka irasit, kosodi kere eutai ainyalinyal, ayangau oni toma aiboisit; kotoma ainyam inyam wok lukakwap, na da, awatewok, eswamautu luinyalal, ebwaiki aomisiowok kere...Kwana, arai eutasi awatewok aibiror, ameun kokar akaisaarei ka akaisaarei-kikany lukamojong, naarai kanuka amoori nuamunaunos, kanuka inyam luinyalinyalitali, mam tope amoori wok nuka adam emunaunos? Mam kereka ngun eraasi amoori, kesida? Erai kanukangun nges ekeria Ricky korot kane, kede asuat naemwana; kwabo kojai Ricketta, nua Elvitta, ka luipu kakesi, kwape ti kinyara oni ekiror, kokinga kane imujalalas koingaren naka itunga, adaunos adam, mam bobo eomoomoete aomisio nuka aila arai iponesio.

64 Abongor akiro kang. Ekayaiton loka ediini lo kejai sek nges kwap toma adekis, ido abala ebe epu noi itelepai luaperete kanen kotoma owema, ice...Kerai ngesi abunore kokinga ngipengin. Abala ngesi ebe abu ngesi kolot kinga ngina, ido abu ekapolon ece kolimok nges, kotema atiar, "Lokapolon, kikoto isio akerit kinga, angolekin imanikoria kokinga kangina." Kepotu kecakakis nen ekwam loijaikini emukule aikolikol ka chlorine, kwape eswamata kesi kotoma apaarasia kangun.

Kotema atiar, "Abu eong kadol kinga nen, Onac Branham," kobala, "amamei abubuket kokitai, amamei akit naka anyait. Kerai ngin atupuruc naka Easter." Kobala ngesi, "Ajaas nen atanks nuka ejie nuamunauna kwap nen, kibusakinit ekapolon aimarun ngun aiwadik, aanyun arai ejai ibore yenitikepedor aswam kanukec, eiduny kede Agonne Forest ngin nakapolon." Kobala, "Najaar eong abwoi kanen eong bon elopet," kobala, "abu eong kangolia kaju, katema, 'O Edeke, lo nges epone loebeitor ngun kere abunore.'" Erai ngin nakabeit, eponitos ngun kere. Kicwearitai ngul kere, komamei ajar kanenidio nepetai da, anya icwearitai pit; ekitai, kede ikwamin kangul, ikito earitai, nginibore kere kearitai, emojiritai, kolurete kwap, nekeponiata arasasin ka iboro kopedepepoto kes.

65 Arai mam ngin erai aput naka akwap lolo, neejai Satan euta aisik amamus aiyuunike, ainyalinyalake, sayanis ke, aijeneke! Aitodol, nu sek araasi ngun kageunet, naebwaikinia Edeke Adam ka Keba toma omanikor, eparadais ngol loebus komamei atwanare, komamei adek, komamei aiturur, ido nginibore kere kojai ainapetai kaitekoro, kongolek nuabu DDT loka kiswama! Erai kwana ngin aipurujaua. Emamei ibore ideuna kotomake.

Kotema ngesi atiar, "Abu eong kageu aimony. Abu kalot abongor kau, abu amoru kisupa eong." Kobala, "Abu cut eong kalot nen kasodi asesin amoru ngin, karemo ngesi aibelokin. Kokwap naka amoru ngin ajai iturot yenididi yenikakwangan epoloi, ibore bon yenikajaran yenedeuna, naarai kebu amoru kiteribo nges."

Edeke, amoru kang, kiteribo isio lolo, O Edeke, kwape ejaatar ipoisonin lu eporitos kanginiibois kokiror loka sayanis ka aisia. Kiteribo isio. Kidar eong kiton apaaran ngin, O Edeke, nges akailip. [Ebala

icetunganan kotut ebe, "Mam itutubi apak nangetakinet, Onac Branham"-Ekewa.] Kwana amuno eong ebe oni, nginidiopet, kijai kwap naka Amoru kangin, Kristo.

66 Abu cut eong kalimonokinite kapaaran kaya, luipu kayesi iiraritos ngun. Ajai aijesar kwap etorit amagoro, amej, ido abu eong kapup bala ti aibelokin. Ido abu eong kangolek, ido ajai eperi kanen komamei ibore kotoma abokis arai apaket naka esigala, arai kere nupe ikotosi yesi anyara ekecekiror, konye ekampuni loka etaba kejaatar kede ainerasit naebala, "Aijililiet naka etunganan loeomoomoi, aipup naka etunganan loemasi esigala."

Abu eong kageu alosit kwap a-a aiyatakin akonye toma amagoro, , kosodi Icebore aisupar eong, "Kobongo neejai apaket ngin naka esigala."

Abu eong kaomoom atiar, "Papa Lokokuju, ajai eong alosit kwap ngina okitai je neibunio Jo kolimunia ikunyukoi ngul kiton ajaun, atupuruc adiopet. Kanukinyo inyaritor Jo eong abongor kau?"

Kosodi Icebore atiar, "Idum jo alimonokin ebunit kanuka Nasabiti. Akou naka akirokon iwadikatai toma kangin.

Kaomoom eong atiar, "Kapaket naka esigala?" abu eong kabongo.

Ido abu eong kageu aomoom, "Aijililiet naka etunganan kaloeomoomoi," aingal bo lolo nabiai erai ngin! Karai etunganan korai etunganan lo eomoomoi, mam ti kemat esigala nepecep da. Konye, koanyutu yesi, ilikorete itunga ngun.

67 Eyuunit eong bala ikar iarei atuboros, najaar eong toma atukonokin adiopet, abu eong kalot toma aibois naka aitodianario naka iboro luegelegela kakwap kere najaar laiye West Coast. Ido ajaatar kesi kede aput naka Yul Brynner ka luipu kakesi kangina. Ido luka sayanis, luipu kakesi, ajaas toma agola napolon adiopet ngipengin, naikamunit ationis naka aimat esigala. Epone loiriunita kesi apuru ngin aisitorun neejai amoru naka marble, kosodete alemun ilunguret Q-tip idio tai yenika epoison loka enyoata kosodete aibwakin opur loka emir, ka aibwaikin da ngol toma aruja, kotoma apaarasia akanyaarei bon korauna ngol loileleba ekansa toni nemam bobo epedoritor alosit. Ianyutu? Kotema ngol atiar...Aponi kiriunai ngol aisitorun toma akipi.

Kobala, "Aijililiet!"

68 Kobala, "Aijililiet? Emamei ibore kwa kangin." Kotema, "Ijo..." Kwana kereka luka sayanis lu ikulepek. Kobalas kesi ebe, "Mam jo ipedori adumun apuru komamei etoro. Etoro nges iswamauni apuru."

Ido ibore bon yenerai ngesi, erai acoa nagwelaret esigala loiyatakina, ne ngun...arai...mam eong amuno ebe iwomitosi yesi ebe arai lomam etalaunit arai loilamara. Ajokit ngin kotoma otunganan, naeinakinit ngol aimat esigala, kanu elopet aarakinor. Na ekotokinor ngesi-ekoto ngesi epoison loka enyoata loka esigala ediopet, loedauni eipudike, kwana kirimuni ekampuni kede acoa naingalakin, kobala ebe, "Aijililiet naka etunganan kaloeomoomoi." Iburai do ngol aimat isigalan iwongon arai ikany, kanu aiswamaun etoro loiriakasi kotomakon (kanu aisimonikin nges) kwape ibu jo kiswamator kede ediopet. Luka Amerika ejaas agwelanar atwanare nejaas iinacanakec ka ainacan! Amen eong adumun ngun.

69 Konye ca, kotoma kanen, abu eong kaomoom, "Ejai Aijililiet naka etunganan kaloeomoomoi naedolit."

Kwana, arai kejai etunganan aimat esigala, kiitutu, itolomuni ngin aipup naka etunganan loemasi esigala. Dodo, arai mam jo ipedori ajaun e en-...ailelebikin eipud loka apuru aitodol naidumunia apuru kanen, idumuni jo...ibusakinit ngin aitolomun aipup ajijim, kwangin, imasi do jo isigalan iwongon arai ikany kotaci bodo jo isirigin luipu kanuka ngun itia lutikitac jo, karai jo aimat cut esigala lopece ediopet. Teijo, erai acoa, acoa nagwelanaret; aingala itunga, luka Amerika. Kaomoom eong nuka Valley Forge, George Washington; kede idiopet kouni naka iserikaaleike, ido komamete amuk kakejenekec, kapaaran kangin nalilim, kanu aitarauon oni akerianut kwana nakirai oni! Ido konyet luka Amerika aitwegel Loa Amerika, onace ka iinacike, atwanare, kokwap naka acoa nakaingal, kanuka abar naesiliana, aliasit naka aronis kere. Eisinye loka isirigin, amin. Ekerepiki ibore ngin kere, komam ejenete ebe ibore yen kere ebuni amudiar! Konye arai mam jo idumuni apuru, mam jo ipedori ajaut kaipup ajijim.

Kasodi eong aomoom, "Ejai Aijililiet naka etunganan kaloeomoomoi." Aijililiet naka etunganan kaloeomoomoi! Ido abu eong kalemuni akou naka akiroka kama ka "Aijililiet naka etunganan itolomuni aipup ajijim naka etunganan lokalauan."

70 Kwangin abu eong kaomoom ebe idiinin wok eswamata nuipu kopone kangol, ayangar itunga toma kosodete anyaraikin ikulepek ebe Ikristayon luejaas cut kopone edio kere. Kanukinyo? Edumunete kesi luipu kodiinikec arai oriongeta. Kidumuni oni luipu kotoma kanen naarai kicamakini oni kes alomun toma kokwap naka na, ngin, ka ya, ka idiobore. "Mam ngin eyauni adiotiaketai, bon ebe tetere kes ibwaikinete ekecekiror oitabo kosodete alimor ebe eraas kesi Ekristayot. Kodaunos ngun. Oo, 'kanuka aiyuun nges kitajaritere jo.' Ibusakinit jo aiyuun." Iswamai ajokit ibore ngipengin. Eebo.

Ibusakinit jo kouruun bobo, ido ebuni ngin kitorunite toma Aijililiet naka Edeke! Kwana kereka ejai Aijililiet naka etunganan kaloeomoomoi. Etingi eong Ngin kotoma akanika. Mam cut itolomuni aipup naka ediini, konye ebuni cuticut aisimonikin aipup naka etunganan lokalaunan, ijenete yesi.

71 Biai tope epedoria aberu naetubit itima aitorun toma Aijililiet na? Biai epedoria aberu naenapit goen lueuriaka aitorun toma kaNgin, araiboot iroodin, kwabo kobala Ebaibuli ebe, "Erai naketal kama ejai Edeke, aberu ainap anapito na da erai naka ekiliokit"? Ido kopone kali epedoria etunganan loeomoomoi idiobore kanukeng, alomar kinga kane kwabo konapite bala angor, ajalakin iketim eojakaaros bala aberu, kwap toma akonyeke, kibwalukukosi, ido kibeloritete kuju kopone kangol? Enapit ngol goen luka aberuke lukotoma. Enapit ngin goeneke lukokinga. Aijililiet naka etunganan loeomoomoi? Mam etunganan loeomoomoi ebuni aswam ngun, karaida aberu naeomoomoi mam ebuni aswam ngun. Mam Akirok naka Edeke ebuni acamakin ngun atubun kanen.

Emamei ibore idiopet da yen tikepedo atubun aitorun toma Akirok ngin. Erai Ngol Emoyo Lokalaunan, ido eyangauni Akirok ngin tomakon, ido itolomuni Ngin aipup naka etunganan lokalaunan.

72 Kongolek ber jo lolo, Riketta korot, atakan naka akuan naibus, najokan, naabu Edeke koinak nges, kwabo ejai Satan aitwasam ngin. Ido enapi ngin anapito nakaronon kwangin, komam ejeni ebe esabiti bon ameun lolo epedori ngesi acepak ngesi ajaut euta aibos kotoma ates.

Abunore aijesu kwap korot kane mam apak naeoj etuboro. Ajai eong alimonokini kotoma atukonokin naka Assemblies of God kalaije ko West Coast, kotoma airiamun ace kokinga mama ajai Southwestern Bible School. Ajai amucaalat naadit elosi ijesisitoi korot, naadit...konapite goen ludidik, ibikinin, kere lupe inyaritosi yesi ngun, kijekosi itima luatubitai kokinga, konapite akopiira naka cowboys ka abutusin. Ajai eong adokar aibe kuju korot. Kaomoom eong atiar, "Ikese yenikican tai, ikokuke katoto ka papa ice, ebwaikinitai ne araut akoku naka Edeke, kwabo araun iloketait yenikatacit naka ajokit." Abu eong kaomoom ebe, "Eyuunit eong ebe eraun kwana do ber aibelokin alosit abongor, kasodi alimokin ikoku ngin." Atakani ngesi bala arai atur naka Sarah naka kanen, ikar itomonakanyikaarei, ikar itomonakanyape lukapolou, arai icebore. Abu eong kaomoom ebe, "Mam, ejok eong ainyein. Alosi do kwana eong kuju ne korot kasodi ailip kanukeng. Arai keanyu icetunganan eong apaikini ido ainerakin kede ngin, ejokiar eong mam aswam ngun."

73 Kwana, ido kopupokisi, odwe luka Edeke, idolonokinete yesi toma aibois ngipengin, nua Yesebel nuka apaaran eboliaunete mamakus, konye etunganan loeomoomoi ebuni ber nasodit aomoom. Epedori bo ngin acepak korai naitemelel noi, epedori acepak korai ebe, "Ti eong kapedo aisupakin kede ngin," konye eraun aitac kede etiai loka aijarakon, esapat; ace kayesi apesur, nejaasi lui Ricky lu! Aijililiet naka etunganan loeomoomoi itolomuni aipup naka etunganan lokalaunan.

Yesi ikiliok luedukokina, naianyuniata yesi angor ngun korot kopone kangol, yes odwe luka Edeke, mam kereka yesi ijenete nuapotu kotakanut kotoma ageunet nasodit? Nakebu sayanis kitarauanio angor nuebusiak noi kotoma kakwap kangin eroko akalele kebuno, kiton odwe luka Edeke ayangaar adwe nuka itunga (mere adwe nuka Edeke), ido mam kereka Edeke abu kimurwok ngun. Apotu ngul komudiasi ibore ngin kere; sayanis, kotemelelata adepar. Ajai kolo ebe...Koanyutu yesi atemelel naka angor euta aikeun kotoma apaarasia nukawasia, erai aanyunet naka esange; itogogongit Edeka ngun. Kwangin do, kitwasamata Aijililiet naka etunganan loeomoomoi. Kijaikini ngin jo aitac kede etiai lo ekonire. Kijaikini ngin jo aitac kede etiai loka aiboisitikon. Kijaikini ngin jo aitac kede etiai loka nginibore kere yenijaatar jo; keja ngun da, aijarakon! Ebili ngin ekonire. Emina acepak araun ecekiliokit nges itopolouni ikonidwe, arai aberu ace itopolouni ikonidwe.

74 Koyanga Aijililiet naka etunganan kalo eomoomoi, itolomuni aipup naka aberu nakalaunan. Naigeunia jo alosit osaluun, arai ibore ice mutan, kosodete kesi alimokin jo atiar, "Ilosi jo ajaun kariebo naka akou, ijeni jo." Kolem Aijililiet naka aberu naeomoomoi, nuabala Ebaibuli, teijo, kosodi aibelokin awai kanen, Ianyutu? Siri jo kismama ngun.

Arai eong onacekus, ido amina eong yes. Emamei ibore yen asuruokinitor eong yes. Ejeni Edeke. Ido erai ngun kes ijaikinitos eong enera iboro luenera eong, erai naarai kanuka-kanuka amin naka Edeke kanukus. Arai kelot ti etunganan ngina ido komam ngul elimokinete jo, ekecokonikon acamakin jo aiboi kanen kwabo kismamai jo ngun, mam ngol emina jo. Mam epedori amin jo. Mam eong ti akoto epone kamin kangin kanuka angor. Akoto ajaut kaipup naejokuna kanuka iinacika. Akoto ngin korai teniteni iinacika. Mere icetunganan yenepedori atiar, icetunganan ener nuka ngin araut naitemelel noi ido epone loejaar ngesi, ka akabakan ngun nuka aelo, "Elosenene ngin mam aka..." Huh-uh. Mam. Akoto ngin korai amucaalat!

O Ejakait kidar eong kotoma kokwap naka Amoru. Eebo. Kotoma Ipeson 5:26, nges erot ediopet bon loipedoria jo aitorun toma Amoru ngin, nges ebe, "Kilotar kede akipi nuka aitesegaar kanuka Akirok." Erai ngin nakabeit.

75 Kwana, siri kicam ajokit aisikakin jo aisisiake. Mam, mam. Eari ngin aisupaaretekon. Mam icamakini

ajokit alemar ngin, "Eebo, arai loka ekanisa loajai totoka tomake, ebe papaka, tataaka." Mam icamuni ajokit aisikakin jo ngun. Edaunit sek Ebaibuli atiar, kAturio Akanyaarei nuka Ekanisa, ka iboro kangina, adautu ngun kere aicoka! Erai ngin nakabeit. Adau ibore ngin kere aibos. Erai ibore ngin kere ajimi na eur abosus. Mam icamuni nges aisikakin jo, atiar, "Kwana kereka ekia adoketai naka iponesio. Kirai kwana oni lukisiat adepar nekolo kirai oni kotoma apaarasia nukolo." Mam icamuni ajokit aimukor jo kede ngun. Adau eong aitodikin yes ainapetai kere kaileleba naka apol, aisia ka sayanis. Adau ngesi ayaun ngin cut toma okanisa, ido mam icamuni apupokin ngin. Kidarite akoukon kojai kinga naka televisions ngul lumojong lumodok ngul ka iboro da!

76 Ido ebala akou naka akirotowok ebe, "Sirikiputo, konye kijulakinos yesi." Mere alomar toma ido atiar, "Aponi eong kedoki kanu aitogogong, Nasabiti." Mam. Kolot toma kosodi aijulakin kopekwana, aijulakin anyoun kama kanu irai jo, araun nuekoto Edeke jo araut.

Kwana, elomuni kwana epone loka ikinyomit yenejai tomakon. Arai ibwaikinitai tomakon, ikinyomit yenikacobeu, yenika aisia, ejai ibore idiopet bon yenedepori ngin aswam, aitwangal jo, kodaunos ngun, mama ejai okoku arai akoku naka Edeke. Ngin bon nges ibore epedori ngin aswam. Itunga lolo, kwape asesenio eong kinga, iswamaete kesi kopone loesubit bala mam da ber kes iyuunitos ebe ejai loerai Edeke.

77 Kitimoto alimunet na. Arai itipipilitai aipup naka idiotunganan kanuka nu, mam eong apeleikinit kwangin. Asabitin adis nuatuboros aponi eong kesukunyun, akooka obe, abunore alomar aiboikin asesin etelevisio, ido asesin aiwo naka ediini. Kerai Nasabiti tupuruc. Akoto eong apupun Oral Roberts kopuroguramuke, abu eong kalimok kes aitejenikin eong. Kobala ebe, "Kopupok jo lo, erai na awoisioit naepol ewoe." Okooka loabwoi kanen, abu kolimok eong nuikamunitosi ngin, ngesida. Ido abu eong kagwetak etelevisio ngol...

Kipagisat isio kaneejai aberu naejaatar ka etelevisio otogoke. Mam eong alosikinit ajaut ka edio kotogoka. Mam, cut. Mam eong akoto ibore ngin kotogoka. Ti eong kaduik nges kede ekamudu loka shotgun. Mam cut eong akoto aswam idiobore kede ibore ngin yenikaronon. Mam, cut! Konye abu kayanga e...

78 Mere eong kalimok yes nuikamunito yes luko Arizona kane. Ipotu yesi koanyutu aingic kapaaran kaya, naka isomeri, yesi kereka mam? Akaisakanyauni kangulukwatat naka idwe kotoma osomeri luka Arizona edekasi ekadakada loka aomisio, akaisakanyape kangulukwatat kotoma kangul kerai kanuka asesin etelevisio. Dobodo ngun biai?

Ejokiar jo aitwasam ekon shotgun! Ianyu Kwana, mam icamakini ajokit aisikakin jo ibore ngin. Mam, cut. Kwana itunga, kwape sek abalar eong, iswamaete iboro kosubite bala mam kes epote alomar toma atubokinio.

Itelepai ngul kede apesur ajaatar kesi kede ekale ece loka Ilugai, ka iboro kere. Aomit ekesa loenyaritai Ejkt. Pool nges erai ekengarenon loka ngun. Ido arai eiritor eong asesin itunga ekienatar awoisio nukalaunak, kerai nges epone lo etolosioto kesi ngin; ekodet loka lua Ricky ebwoete kanen, kijangijangete akaninikec kuju-ka-kwap.

79 Abu cuticut eong keyalamikin kanuka ekatumunan kangol kane atupuruc na, loabu kowoik, atakani erai loejokuna, bala etunganan loteni. Eong-alelakinit eong ngun. Kapak yes-yesi ikagwelanarak kacepakio kane idumunenete yesi ekodet loka lua Ricky lu kane, kosodete aiteregegianar ka aiworo, ka aiyatakinit kopekwangin, ido etikokinete iyengane kec kiton naijulakinor ejese lokoreetin kec araun lobululu; ido mam kereka ngin erai aiwo, erai bon ngin aiswamaun aruo naepol kopone loka sayanis. Aiwo erai "aruo naejijim naelomunit kotau."

80 Ido abu eong kaomoom, "Aitimokinet bo na! Ileic bo lu! Kwangin kokwap naka ekiror loka ediini, nges iswamata kesi bala emamei Edeke!" Abala icetunganan, apaaran ya, elimokini etelepat loeupananasi kede akooka. Abu etelepat ece loKristayot kotema, abu kijaik alimunet na apiirianut kanuka Adam ka Keba, kotema, "Keba elosi aitor toma omanikor. Kotema atiar, 'Idwe, isesenete yesi ekitoi ngol kangina?' Kotema, 'Nen nges abu totokus konyamia oni aitolomun kinga naka etogo ka ere da.'" Ipedori tope jo ainomar, loemitai ebe erai Ekristayot lokagogong, loecamuni ayangaar Akirot naka Edeke kosodi acakakin ngin toma auj naka ipegei! Iswamaete kesi bala mam kes epote toma atubokinio. Konye ebuni Edeke ayangaun nginibore yenikaiyeiyea toma atubokinio. Iswamaete kesi bala emamei Edeke.

81 Mam eong akoto anyara kes ebang, naarai abala Yesu ebe ebang...mam edolit. Abala Yesu ebe mam erai. "Siri kitema idiotunganan atiar ebang." Konye kotoma Isabulin 14:1, "Atema ebang kotauke, 'Emamei Edeke.'" Ianyutu? Kesi-mam kes eraas...mam eong akoto anyara kes ibangiok, konye iswamaete kesi bala eraas kesi. Iswamaete kesi bala ngol.

Kwangin do, ianyutu yesi nekija oni lolo, bala, "Emamei Edeke." "Arai eong lokokanisa!" Ido kes kere, ibore ngin kere, abala Ebaibuli ebe, erai eyala eti. "Ekanisakosi ejeni neelosete kesi!" Eebo...[Emamei

ibore ikamunit ateepeu kane-Ekewa.]...arasar cut alosit ogeana, cuticut. Ejaas cut orotokec, aijesitoi cut aitorit toma sayanis ka aisisia, iseminariis luka theology ka iboro, aiyatakinit akutar kes cut aijesitoi korot. Emameotor Emoyo Lokalaunan kede arereng ainakin apukokinio naka idiobore; edaunit eseminari aigerun ngin sek.

Emoyo Lokalaunan nges ebeit aingarenikinit oni; mere eseminari, mere bishops ka ikaanyanarak, ka ice da kwangin. Emoyo Lokalaunan nges Ekengarenon wok.

82 Arai Kain etunganan loka epone kwape ngol. Arai ngesi lokediini teniteni. Kwana, arai erai ediini nges bon iburai jo ajaut kede, apolouke mam Edeke arai loadolit kanuka atubokin Kain. Naarai arai ngesi lokediini, arai cut ngesi kwape lokediini ido koinakina kwape keraar Abel. Kwana kiitutu, aoomoomoi ngesi nuka Edeke, amaenene ngesi Edeke, ajaatar ngesi kede ekanisa, abu ngesi koduk elutari, abu kiswamau asubanit, abu ngesi kilip, abu ngesi koma, konye aponi kongeroi ngesi. Mam akiro arai biai...Arai Esau, ngesi da. Ianyutu?

Ediini, teijo, erai ngol ebisines loka Satan; mere aaraar ibore ngin kere, konye amunaun ngin. Kodaunos ngun. Mam nges elosi aiar ibore ngin kere. Oo, mere luka eipamorane; mam, mam, lokasurup loka kristo mere nges eipamorane. Abala Ebaibuli ebe, "Ti kitapaa Luseuna karai epedoros." Mam itei aigalisit naka asuat, konye ngin nakarengan. Uh-huh.

83 Konye, koanyutu, abu Kain kobu aima konye kejaatar ka ikinyomit yenikaronon kotomake, ikinyomit yenika emun. Aikekema naka emun kebu kikekem kokujukeng, naarai kerai ngesi aur naka aberu. Ajeni ngesi akote naka Edeke naitekooro, konye abu ngesi kogir aswam ngin. Ipotu tope yesi kojenete ngun? Ejeni Satan akote naka Edeke, konye cut egirit aswam ngin.

Koanyutu, kedaunit ngesi aanyun Edeke itodiarit aisiiraret naka Abel kwape nakabeit. Kwana akoto eong yes aoomoom, aitwasam Aijililietekus naka etunganan kaloeoomoomoi kwana kanuka apak naedit. Aisiiraret naka Abel nakedolit, ngin naabu Edeke kitodia kwape naerai Abeit! Iriutu yesi kwana? Uh-huh. Aponi kijaunai aisiiraret naka Abel, ido abu Kain koany ngin ido ajeni ebe adaunit Edeke aitodiar aisiiraret ejok. Konye mam cut ngesi apedori aswam ngin. Abu ekepoget kirebo ngesi kama ajai ngin. Erai ngin nakabeit, abu ekepoget kirebo nges aisimik aswam ngun. Abu ngesi koanyunite Edeke itodiarit aisiiraret ngin kwape nakabeit.

84 Kwangin esubit bala erai kwana, naeninik noi kanuka itunga abilakin ikulepek neejai Akirot naka Edeke. Kesi-mam cut kesi ekotosi aswam ngun. Ebilakinos kesi ikulepek mama ejai aiyuunet naka ekanisa, cutibo, konye mere neejai Akirot naka Edeke.

Arai ikotosi yesi adumun nu, kolototo yesi toma...Kijaar eong kede Nuiwadikatai ne, ngun kes nuejulirat eong kane. Ageun 4:6 ka 7, kotema Edeke Kain atiar, kotema, "Kanukinyo anyorididioto akonikonyen? Kanukinyo ilelebar ijo anyunyura kere, ilosi kanen? Ipupunit jo kopekwana aisiiraret naebelobelo jo." Kotema, "Doodo, kanukinyo iswama jo ngun? Kanukinyo anyorididioto akonikonyen, naarai mam Eong abu kabu toma okanisakon? Aso kanukinyo bodo ibu jo kiswama ngun?"

Itwasamai tope jo Aijililiet naka etunganan kaloeoomoomoi? Ianyu?

Araiboot, "Kanukinyo mam ibu kiswama...Kanukinyo itakania jo kopone kangol?" Kotema atiar, "Arai kiswama jo ejok, kolot kiswama kwape iswama onacekon kokinga kangina, acamuni Eong jo kaisirereng da jo. Abuni Eong aiswamaikin jo ibore ngipengin." Konye mam cut lo abu kopedo acamun aswam ngun. Kotema Ngesi atiar, "Kwana kereka, arai mam jo iswamauni kwangin, eperi adiakar kokirigi."

85 Kwana nakilimokiniata kesi oni, "Adautu apaarasia nuka aswamasio nukapedor atubor," esesenete kesi ngun itodiaritai ejok noi kaitekooro ido kitogogongitete da, koanyutu yesi, iboro lu kere luesumunit Edeke ebe abuni Ngesi aswam kotoma apaarasia nukawasia, luka Apukokinio 10 ka Malaki 4, iboro ngul kere itodiaritai ejok noi kaitekooro kwape lukabeit, inyobo ationis, iinacan? Inyobo erono, ianyutu?

Arai mam kes iswamaete; amamus aiyuun, nges da adiakar. Ejai adiakar adiopet bon, ngin nges, amamus aiyuun. Erai ngin nakabeit. Mam kitubokinio jo naarai ebe imasi jo ajon, imasi jo esigala, inyakae jo etaba, inapit jo igoen lueuriaka, iswamai kere nupe iswamai jo. Mam, mam ngun kitubokinete jo. Erai naarai mam jo iyuunit. Karai jo kiyuunite, mam jo ti iswamai ngun. Ianyutu? Yenerai ikeyuunan mam iswamai ngun. Eyangari ngesi Aijililiet naka etunganan kaloeoomoomoi, teijo, teijo, arai Aijililiet naka aberu kanaeoomoomoi, kere nape erai. Mam ace. Konye, koanyutu yesi, eperi adiakar kokirigi.

86 Kwana koanyutu nuabu ngin kiswamaik Kain, ido ebuni araun ngupengun lolo. Abu kitarau Kain loabu kolungar awai, korai ekadiakanaran loakoto adiakar. Apeleikinit ngesi araut lomam erimaana. Kanginitunganan ejaun nen kopone kangol. Abu korai loepeleikinit aigir arimarit akaulo na nges aanyun aisiiraret naka Abel naabu noi Edeke kitodiarite, ebe kerai ngin abeit, kwabo abu kogir aswam ngun. Eswamat ngupengun kapak kangin. Kanen do abu ngesi kotub aigerosit naetiakit.

Ejai aigerosit naipedori jo aitub. Ijenete yesi ngun, yesi mam? [Ebalatukot, "Amen"-Ekewa.] Kwana,



ikejanakinak, airotarit kere lukane ka lukokinga da kotoma a-a akwap naka isimun nebunit aweario na anatar akwap na, ijenete yesi ngun? Naianyunia jo ebe erai Naiwadikatai, kwabo komam jo ikoto aswam ngun, mam Edeke ebuni duc...ebuni Ngesi...Oo, ibuni jo alosit akonye kopekwangin, kisirerengitete. Kwangin kejaar nginidiopet kaluka Isirael, apotu kesi kojarata cut kotoma amoding, kosodete aitopoloun idwe, iraan, ido kisirerengitete, ka nginibore ice kere, konye "nginidiopet kakesi aponi kotiakarai awai kaneejai Edeke Ikar Kere." Abala Yesu kwangin. Oo, eebo, Ebuni Edeke aisirereng jo kopekwangin, konye idaun jo. Cutibo. Ngun kes nuebala Ebaibuli kwana, ngun kes nuabala Ngesi. Koany, ipedori jo aitub aigerosit naetiakit. Iyuunitos yesi ngun? ["Amen."] Abu Kain kotub.

87 Kapukosi ber-ber oni cut lailo ne apak edit, kijaar eong kede Iburanian 10:26. Kaanyutu ber oni arai apedori eong adumun ngin katipet. Eitabo loka Iburanian, esula lo10 ka e...eyuunit eong, ekokoro lo26. Ewadikat ngin kane. Apak edit ber, arai icamunete yesi angirikin eong, ido kasiomata ber oni ngin kanu apak naedit. Mam ace, aso konyet do oni.

*Naarai arai kilosikinit adiakanar nakiidaunia ainakinio ajenun abeit, mam esalit bobo asubanit kanuka adiakar,*

*Dimarai aidarit kakurian atubokinio, ka adedeng naka akim naebunit aicwe lukasurup.*

Erai ngin EBALA KWANATA AKIROT NAKA EDEKE NAKALAUNAN. Arai kijeceki oni aigir aiyuun akaulo na oni aanyun Ngin ka apupun da Ngin, apolouke kidau do oni aitub aigerosit ngin.

"Oo," ibala jo ebe, "Konye eringa Edeke isirerengit eong." Oo, eebo.

88 Kiitutu Isirael, luka aigerosit nakoikor, naabu Edeke koinakinia kes aisumunet, kalaije kotoma Akwap Nakalaunan, e...kotoma akwap ngin, kejokuna ngin, naka akile ka esike, ido naejukaria Musa Caleb ka Yosua, ka ikarotak ngul, alosit adokar ngina, kosodete airot akwap ngin, ido apotu koyangautu aitogogonget naetodiarit ebe kerai nakabeit, apotu itomon kakesi kotemasi atiar, "Mam oni kipedori aswam ngun, mam oni kipedori, kongolekisi ber yesi ationis naejai ngina, kiraun oni luilamara, kijaar oni kede iboro luedisiak taai lu aitwasam ajior, kongolekisi yes luejaatar kesi, oni-mam oni kipedori aswam ngun, mam oni kipedori aswam ngun."

Yosua ka Kaleb kotemasi atiar, "Kipedori noi oni aswam ngun, abu Edeke kisumun."

Ido, kiitutu, apotu kesi kibelokinos abongor kau. Arai ngun nuapotu kiswamaunos koKades-barunea. Ido apotu kesi kibelokinos abongor kau kosodete araun ikerimok kotoma amoding. Ido abu nginidiopet kakesi kotwana, ido aoliosi Ikar Kere. Abala Yesu kwangin.

Sirikitub aigerosit ngin naetiakit, teijo. "Naijenia jo aswam nukajokak, kwabo komam jo iswamai, mamakon erai adiakar."

89 Abu Isirael kiswama ngupengun. Akaulo na kes aanyun Musa itodiaritai kwape lokabeit, kwabo apotu kocamakisi Balaam aisikakin kesi, Ikinyomit ngin yeniketiai yenetodiaritai kwape yenikabeit. Ekecokon, siri jo (mam nepetai da) kilim idiobore asurwokin Akirot na. Kongolek jo Balaam, arai ngesi enabi, ido kebu ngesi koany Ikinyomit yenika Edeke itodiaritai. Konye kokwap naka ediinike lokapolon loajari ngesi kotoma, kebu Moab koany ekodet ngol loka ikerimok ebunit aitorun toma akwap, abu ngol kisikak ngin, ido kobala ebe, "Eebo, kopalasi ber yesi apak edit. Kirai oni kere Ikristayon. Kirai oni kere ikeyuunak. Kanukinyo, lukapapakosi ka lukapapakus eraas kes ngupengul. Mam kereka isio kirai idwe luka Lot? Mam kereka Lot kerai ocenike kAburaam? Mam kereka erai oni kere ngupengul? Kadukonokinos oni idiopet kayenice."

Kosodi Isirael, kwape kaKeba kotoma omanikor loka Eden, acamakin Satan aisikakin ngesi, abu da bobo ngol kisikak Isirael kitwasamai enabi lokaingal. Kwabo, ajai enabi lokabeit nepepe kakes, kede Akirot naetogogongitai kwape nakabeit. Konye kanuka apotuun naka aijen naka adam, abu ngol kisikak kes. Koomoomoata nuka ngin. Kwana, mam kereka cut ngin aponi kisionioi, adiakar ngin mam cut aponi kisionioi.

90 Apotu ikinyom ngul kobosata cut kosokot loka aswam, korot alosit toma akwap nakaisumunet. Kanginidiopet kakesi abu komudiar kosodi aibos, cut kanepekanen kotoma okanisa, kojaas toma aswam, atupit Edeke. Ido apotu kocamakisi Satan aisikakin kujukec, apotuun naka aisisia, nakacobeu, ebe, "Kanukinyo, erai oni kere ngupengul, kirai oni kere idwe luka Edeke." Mam yes iraa! Konye abu ngol kijaik ekesisianakinan ngol kangina aisikakin kes kede apotuunet ngin nakacobeu nakejaatar ngesi naka Ngun.

Ido kosubite cut kwa iswama Ecumenical Council kopekwana, teijo, ibore ngipengin, "Kanukinyo, kimorikikin oni kere nepepe kotoma orionget ediopet loepol." Eiwamae kon ngol kere loka erionget erai loka ajokit. Nges emacar loka etiang, kotoma Obaibuli. Abuni ajaun kede eitabo loka ngun, kotoma apak naeuriana, arai ekoto Ejakait.

91 Koanyutu kotoma apak naka Noa, asesen Akirot eutai adukun, kanu aikaleletoi. Kwana mere ber eong kalim adis kane, Akirot ejakai aibwaikin nepepe kanu araut lukiijulakinio anyoun kokwap alosit odouon.

Asesen aduketait naka ibore kangin; konye kede apotuunetakec nukacobeu, apotu kokienasi kakonyen nuka enabi, Noa, najaar ngol edwari nuka apak nakawasia. Konye anyoika apotu...Aduketait ngin arai naeswamatai kede Akirot naka Edeke, eladatai toma ka kinga da, kede ailip ka aiyuun. Nabunio akiru, apotuuneta ngun kere nuka idiinin apotu kotwakata kosodete aibos cut kotoma atubokinio.

92 Anyoika ber kitamit oni aswam, karaida bia, kiuta oni asipokin ekanisawok araibo kitamit oni asipokin Akirot naka Edeke? Anyoika ber kiuta oni aswam? Anyoika bo ber kijai oni aswam? Kiuta kereka oni atamit ainyakar itunga toma Kana? Anyoika ber euta nakapolon Keba na aswam kane kotoma apaarasia nukawasia, Keba ekanisa lo?

Alosi kwana eong angetakin kopekwana cut, onac, naarai erai ngin-elosi apak etubor. [Ebala onac ece, "Kiyatak!"-Ekewa.] Koinakinai cut eong adakikan ace nuedolete atomonakany bon, ido abuni eong apalar kotoma aka-Nuiwadikatai kane. ["Cutibo cut, kolot akonye."] Eebo. Mam ace. Eebo, acepak ekotosi itunga alomun toma ne kanu aitalaun ne. Konye bon esubit cut bala erai naeninik kanukang apalar. ["Kolot cut akonye kiyatak." Mamace, emamei amaran."] Esunyakini eong. Mam ace.

93 Kongolekisi, Keba naka sayanis, nakaisisia, nainyalal lolo, naenyaritai ebe ekanisa, anyoika kereka etamit ngin aswam? Ejai kereka nges etamit aitopoloorit Akirot naka Edeke, kwabo kojalakinite itunga aswam kopone kaloiswamata ngul? Mam ngul itwasamaete Aijililiet naka etunganan kaloeomoomoi, araiboot, Aijililiet naka Edeke. Kongolekisi yesi nuejaas ngul aitolomun. Eutasi ngul aitopoloor ikulepek bonik. Erai ekanisa, kotoma ikinyomiteke ingwalas yenika ainapetai naka aijen, edupo ateker kere araut namam ejeni kanuka sayanis idiobore yenikamunit Akirot naka Edeke. Kwana ekamuni eong alimuneta ngun, mam eong alosi adongakin mamakec adaun apak naeoj noi kwana, kanu angetakin. Eraas lumam ejenete kanuka sayanis! Kwabo Edeke, cut kanepokane kakwap, iswamai iboro lu euta Ngesi aswam, kanuka AkirotoKe naesumunit, ido itapalaunete ngul Ngin kosodete alosit awai naarai mam kes ejenete kanuka sayanis!

94 Ajai do eong emuriemuria akiena kanuka Onac Williams kane, ewadikat kane toma apapula naedit, "Ipedori jo adaun atibong kere," ibore ice. Konye, eyalama eong kanuka ngun, erai cut ngin naejokuna teniteni. Ianyutu?

95 Konye itunga eraasi-eraasi luelosikinitos aswam adiakar. Ayangau ngin eiswamae kere loka akwap naka ekanisa lolo toma adiakar naelosinitore asuruokin Edeke. Kanukinyo, ayaikina napetai da itogogongi ngun mamakus ebe erai ngin nakabeit. Mam ace. Aigalisit naka eimiel nges abu kitumudak akekye, aisimik aanyun Akirot naka Edeke, kodumuni ngin ebe kemujalalaar ngesi bobo. Ijenete yesi, Edeke, kotoma Apukokinio 3, abala, "Kogwel kamaKang, ekiya lokinyonyoa akonyekon, tetere ikwenyuni." Koany, Ekiya Lokinyonyoa akonye nges AkirotoKe.

96 Ijeni jo, ebalasi kesi, "Eebo, abu etunganan lo kodau ikar akaisaongon esiomi, kanu adumun idigirin keng. Erai ngesi e B.L.D., D.D., ka lu kere.

Ijenete kereka yesi nuabala Yesu kanuka ngun? Abala Ngesi ebe, "Kongerokin ber etunganan elopet bon." Abu Paul kiswama ngun.

Itemari jo atiar, "Mam erai apolou kangin ngun."

Eebo, kanukinyo bodo abu Paul kotupakinia ngun, kapak kangin? Abala ngol ebe, "Mam eong abunit mamakus kakiro nuijodoete nuka acoa naka itunga, naarai ti yes kidukokis amunokus toma kangun. Konye abunit eong mamakus kotoma apedor ka aitodianareta nuka Emoyo Lokalaunan, ebe korai akusikirot...korai aiyuunikus na edukokinitai toma Akirot naka Edeke, mere aitodianareta nuka acoa."

97 Esubit bala acakasi itunga ayaikinakec ka iponesio da lukajokak. Mam bobo kesi ikote kwa sek ajaatar kesi. Arai kolo naedila ebe, kelimu enabi ebe, "EBALA KWANA EJAKAIT," apotu itunga komaranata. Eebo, eswamaenenete cuticut kesi kwangin. Ajai itunga alosit, naarai akuriaka kesi. Konye kwana acakasi kesi akurianukec kere naka Ngin awai. Mam kes eyongitosi Edeke.

Abala Solomon ebe, "A-ayongit naka Edeke nges ageunet naka acoa," ageunet ber bon naka ngin.

Konye epedori enabi ener EBALA KWANATA EJAKAIT; etemarete itunga "abangaanut!" Teijo, emamei bobo amun adio kere kanukec. Erai ngin, etemarete kesi atiar, "Kanukinyo, kipiiriaka sio. Kirai isio lukacobeu, mam ibusakinit isio ayangaar epone kibore kangin! Kijeni isio nukiinera!"

Erai ngin da bobo awaragat namojong, ebe, "Itorete ibangiok konapitosi amuk nuibubutai isumalin kwapukey, nen ekuriaka Imalaikan aitor." Cuticut!"

98 Kwana, inyobo aijulakin? (Katipet.) Opone ali kidumunia oni ngin? Inyobo iswamauni aijulakin? Edeke nges iswamai ngun kanuka Emoyo loka AkirotoKe. Ijulanakini ngesi. Iraikini Ngesi IkinyomitiKe, kocakakini EmoyoKe neejai Ngin, ido itolomuni nuebeit ajaun. EmoyoKe Lokalaunan ijulakini Ikinyomit ngin Yenikirot kotoma araun yenitodiaritai kwape yenikabeit yenika eponeKe.

Epone loka ekinyomit kalo irai jo, itodiari cut ngin ibore yenejai tomakon. Mam jo ipedori aibwa ngin. Ibore kere yenipe irai jo kotoma, etakanuni kokinga. Mam cut epone loipedoria jo angopikin nges. Mam jo ipedori aitarau ekitoi ngol ibore ice kilema yenipe erai ngesi. Teijo, erai ngin-erai ngin naebuni araut kopone kangol. Emoyo Lokalaunan ijulakini ikinyom luejaas toma naka ngol. Mam ace arai epone ali loka ikinyomit erai ngin, ebuni Ngol aijulakin ngin. Arai erono, itolomuni nukaronok. Arai erai yenikesoswai, itolomuni yenikesoswai. Arai erai Akirot naka Edeke nakabeit, itolomuni Ngin okoku arai akoku naka Edeke nakabeit, kotoma Aijililiet naka etunganan kaloeomoomoi. Naelomunia Ikinyomit ngin kuju, ebuni aitorun toma Kangin, itolomuni Ngin okoku ka akoku naka Edeke.

99 Kadiopepaaran naaperio akwap kotoma amuton naka aipurujauna, Edeke...Kwana kopupokisi ejok, naarai mam oni kilosi ener...bon apak adio naeoj nediokasilion. Kongolekisi. Kadiopepaaran najaar akwap bobo toma oponesio luegelegela luka idiinin, ailot akanin, amoti, anapit anapito naegelegela ka atur, ka ice da kwangin, ajai ngin eperi kotoma aipurujauna na cut. Isirael nakabeit naka Edeke keponi kitapaar kamaka ikisila ka aicorakineta naka Edeke, Kotema Yesu atiar, "Yes, nepepe ka inonosiokus, itarautu Akirot naka Edeke namam apedor kama ejaasi itunga, kanuka inonosiokus." Ido kosesen ber jo isasedotin ngul lukalaunak, luenyaritos kesi ngul; kwabo abala Yesu ebe, "Iraas yesi luka papakus, ajokit, ido aswamisiok nges iswamaete yesi." Teijo, erai cuticut ngun kes nuabu Ngesi kolim.

100 Kwana najaar akwap eperi kotoma aitemokinet nakepone kangol, abu Emoyo loka Edeke bobo kodoik Ikinyomit yen enerunitai sek. Abu Ngol kijul ka aijulakin da Isaia 9:6 naka aisumuneteKe; Ngol, Edeke, aponi kitarau nai akuan naka itunganan, kanu aitajar apak ngin naka aipurujauna. Na aponi kosubunere etunganan kotoma aput naka Edeke, kane kobuni Edeke, kanuka enabi ailing aanyun ngun...Kwana kiitutu Akirot, enabi nges abu koling aanyun ngun, enabi ngopengol loabu koany Satan kotoma apaarasia nu nukawasia, teijo, nuka epuroguram lo lokaisisia ka iboro luejaatar ngesi, epuroguram loka ediini. Enabi ngopengol, Isaia 9:6, abala ebe, "Kiwurikinitai oni ikoku, kiinakinitai oni ikoku Yenisapat; ido enyarao Ekekior 'Ekapetan akiro, Ekapolon loka Ainapakin, Edeke Lokagogong, Papa Lomam Edaun.' Mam enangete airumuKe ka ainapakin aiyatanakin." Ido Akirot ngin erai Akirot naka Edeke. Kosodi Emoyo airukum Akirot ngin, ido abu kosubun kotoma akoik naka abekot. Amen. "Kiwurikinitai esapat," mere asubun, "awuruun."

101 Abu Satan kotam kosodi aitam bobo, aisikakin Ngin. Abu ngesi koyanga ngol kuju kosodi atemar atiar, "Arai irai Jo ibore yenibala Jo ebe irai Jo, kismama tope ber Jo adio aitangale na kane kanukang. Kitodik eong epone loipedoria Jo aswam ngun. Kijulak lo, atap, ka amoru nu koraunos atap. Kaanyutu tope Jo isukor kwap, naarai ebala Naiwadikatai ebe ibuni Jo aswam ngun."

Isesenete yesi ajokin ngun nuka ediini lolo eringa ineras akiro ngupengun? "Arai ejai ibore kwa kangin ebe Edeke aitangaleun; ejai ne eperi Onac Mutan-ka-mutan, kaanyutu cani jo itangaleuni ngol."

Abu ajokit ngipengin kobwo komusalaba loka Yesu, kotema atiar, "Arai irai Jo Okoku loka Edeke, kodoku kwap komusalaba."

Abala Akirot ebe arai Ngol Okoku loka Edeke. Abu Emoyo kitogogong ebe arai Ngol Okoku loka Edeke. Aponi kitodolikinai Isaia 9:6. Ido akuare ya, luipu kayesi kotoma awareio naka akiro iirarito epone lokipou oni kainakiniata Nuiwadikatai aapiar nepetai akaisakanyikape-kice-nueglegela, eyuunit eong, nuka aitogogong ebe abala Naiwadikatai ebe arai Nges Ngol.

102 Oo, abu Satan kotam kosodi aitam bobo, aswam nginibore. Akuare adiopet, eperi kokau naka ataker, abu ngesi koany Ngol ejotoi. Kosodi ngesi atemar ebe, "Amudiari kwana do eong Nges cut kopekwana." Konye mam nges abu kopedo.

Abu ngesi kotam acodun Ngol aswam ibore yenikaronon, konye mam nges abu kopedo aswam ngun. Kanukinyo? Kedaunitai Ngol aisikakin ekia loigaanari ngun awai, loka ainerunet nasek. Mam ngul epedorio aitapaar. Mam, mam. Abala Akirot ebe abuni Ngesi ajaun ne. Amen. Emamei ajokit adio kere naelosi aitipas Ngesi, ido emame okoku loka Edeke ece, lokinerunitai sek ayangaar aKeiboisit. Edaunitai aisikakin nges ekia loigaanari ngun awai. Epoison loka Satan, mam idokitan luka idiinin da ber etirorete Ngol nepetai da. Elosi Ngesi cut akonye, emamei ibore elosi aitipas Nges, teijo. Mam abu kotiro Ngol.

103 "Eebo, abu eong aitarau jo ebishop loka akwap kere. Eong nges ayait ngin. Arai bon Jo koma eong, abunore alomar okodeteka, ti eong-ketarauni eong Jo ekayaiton. Edoioor do eong kwap, kosodi Jo aikeun kuju."

Kotema Ngol atiar, "Kobongo kauKang, Satan. Iwadikatai, 'Komaenene Edeke, Akirot, ido Ngesi bon nges ijaanakini jo." Konyet do kapaaran adiopet...

Neejai Etunganan lo lokapolon, akoto ber eong asalakin nen apak adio.

Konye kapaaran adiopet, abu bobo Emoyo kirukum Ngesi bobo; naarai ajai Akirot ace mutan naewadikatai naekamunit Ngol, nabuni kanejai Edeke, kotoma onabi, "Ido aponi koyangaarai Nges aario, kwape kimerekek." Ido abu Emoyo kirukum Ngesi, kosodi aingarenikin Ngesi, ka aijukar da Ngesi omusalaba

loko Kalvari. Kanen abu do Ngesi kotwana. Ido nginibore kere yen eneritai kanuKeng kotoma atwanareKe, aponi kitodolikinai, kanu ayaun Aica ka Aijar mama ejaas kere Ikinyom luka Edeke luenerunitai sek luajaasi toma akwap. Abu Ngesi koyau epone lokiswamaet ngun. Een kane Ikinyomit, eyangauni Emoyo Aijar; aijulakinia odwe ka adwe nuka Edeke, anyoun kakwapin kotoma aipurujauna na naemutono, toma araut odwe ka adwe nuka Edeke.

104 Siri kiiguik kakiroto kangin "ainerun nasek." Ajeni eong ebe iguikina yesi. Konye, kopupokisi, mam erai akakiroto. Erai ngin adiopet kotoma Akiroto nuka Edeke. Ikotosi yesi asiomun ngin, kosiomata Ipeson 1:5, na da, "Abu sek kineru oni araut odwe kotoma Yesu Kristo." Ianyutu?

Kinyeis eong ketacau ngin kanu adakika, adakika bon, aitacaun na kotoma aomisiokus. Kongolek. Kwape cut kijaar jo toma naka papakon, kageunet, ikinyomit yenikurut. Ijenete tope yesi ngun, nginidiopet kayesi? Kijai jo toma naka papake-kapapake-kapapake-kapapaakon, da, kijenete kereka yesi ngun? [Ebalata atukot ebe, "Amen."-Ekewa.]

Kosiomata Eitabo loka Iburanian, ne ebe kidumunia oni ebe abu Lebi kotac idiopet kotomon nejaar ngesi opikis luka Aburaam, aturio aongon kaukeng. Naatacakinia Aburaam idiopet kotomon neejai Melukisadek, emaritai ngol kwape okoku-okooke-kepapaitike kwapuke cut, ido ajai ngol kapak kangin toma opikis luka Aburaam. Aso konye jo. Ianyutu?

105 Kijai sek jo toma opikis luka papakon, konye mam papakon apedori aimor eidicane nepepe kajo aitodol naejulakinere jo toma akuan.

Okooka ngol kanen kejai sek tomakang. Eong-eong-akoto eong okoku, konye ajai ngesi tomakang kapak kangin. Ianyutu? Kejai ngesi tomaka kapak kangin. Konye kotoma aiwen epeta, aponi nges kijulakinai araut etunganan bala eong, kosodi konyet koraun ngesi bala eong.

Ido ibu jo koraun bala ikauriakakon, teijo, naarai kejai ngin tomakon, kageunet ber da. Kwana arai kirai oni odwe luka Edeke, atutubetaKe...Na da irai jo atutubet naka papakon, mere toto nakon; papakon. Eperi ekurut kotoma naka papa. Ianyutu? Kwabo kwana do kerai toto nakon akerukuman nakedakit jo, adakit ikinyomit yenika papakon. Ianyutu?

106 Ido akwap na, kotoma akuan, erai ngesida akerukuman naedakit ikinyomit yenika Edeke. Teijo, cut becebec. Mere akwap, epone loepolor akwap; erai epone loepolor Edeke loasubuni nges. Ianyutu? Ianyutu?

Kwana arai irai jo okoku ka akoku naka Edeke, apolouke kijai sek jo toma naka Edeke kageunet. Irai jo atutubeteKe. Karai kimamei jo kangina kapak kangin, apolouke mam cut jo ijauna arai mam cut ijo ibuni ajaut.

Naarai, mam eong apedori adakit, kopikisikang, okooke ketunganan kalo kane araiboot ketunganan kangol kanen, apedori bon eong adakit odweka obe, ido epote ngul adakit ka aputoka. Aleluyiah. Ianyutu yesi ngin?

107 Odwe ka adwe nuka Edeke kejaas sek toma naka Edeke kageunet. Kwana koany. Ijaatar jo kAijar naka Ikar Kere, ibala jo. Kiyuunit isio ngun, ebe kijaar isio kede Aijar naka Ikar Kere, ido ngin nges naka Edeke. Ngin bon nges ibore yen erai yenika Ikar Kere, nges Edeke. Apolouke arai ijaatar jo kede Aijar naka Ikar Kere, Aijar ngin naejai tomakon kerai nakejai duc, ido kijai jo toma opikis luka Edeke eringa akwap kejauna ber da. Ido kapak naabu Akiroto Alopeta...Yesu Elopeta enyaritai Akiroto, ido kotoma Yokana Lokalaunan 1, ebalata, "Kageunet ajai Akiroto, kojai Akiroto neejai Edeke, korai Akiroto Edeke. Ido koraun Akiroto akuan kiboiroroi kamawok." Apolouke kijai sek jo toma opikis luka yesu, ido ipotu kolototo Kalvari nepepe ka Ngesi. Ido lolo kiboiro oni kotoma aiboisio nukotoma Akuj kotomaKe, kilelebitai kede EmoyoKe, odwe ka adwe nuka Edeke. Kitwaki nepepe ka Nges, kijaruni nepepe ka Nges. Cutibo.

108 Kwana do, kwana, ipedori kana jo aimor eidicane nepepe kaNgol. Mam ti jo kipedo kokau kangina, naarai kirai bon jo Akiroto kotomaKe, ikinyomit. Konye kwana etodia Ngesi jo, ido ekoto kwana Ngesi aimor eidicane nepepe kaNgesi. Kobuni do Ngesi kwap, kosodi araun akuan tetere Ngesi epedori kaitekooro naepol ejaun toma oidicane nepepe kajo. Ianyutu yesi eidicane loitekooro? Oo, ikatuan, nukaiyeiyea ngun nuidulok nuka Edeke! Eumokina! Teijo, mam Edeke apedori aimor eidicane kotoma Omoyo, kwangin do abu Edeke koraun etunganan nepepe kaoni.

Yesu Kristo kerai Edeke Elopeta, itodiaara, naarai, kerai Ngesi Okoku naarai aponi kopotuunoi, konye kerai bon ewema kanu Ngesi aijar kotoma. "Emamei etunganan lo eanyunit Edeke kadiopak, konye Loteluna loka Papa nges etodia Ngol." Abu Edeke koduk kanuKeng etogo, akuan nakiboiet kotoma, abu kobu kwap tetere jo ipedori atironor Ngesi. Timoteo Losodit 3:16, "Komam abunokin, epol noi aiyeiyea naka ayongit Edeke; naarai aponi Edeke kitodiarai kotoma akuan, koanyutu Imalaikan, kiyuunai, kodakarai toma Akuj." Ianyutu? Kwana Ngesi...

109 Ijo kwape iraar akuan, ka Ngesi kwape eraar akuan, ipedorete bodo yesi aimor eidicane kwana,

naarai kerai Ngesi ewai loka amina naka Edeke. Erai Edeke amin. Ngin erai nakabeit? Ido kerai Yesu ewai loka amin naka Edeke. Ido naetodiarere ewai loka amin naka Edeke, na da, kerai Edeke nges Ngol Elopet; atutubeta kere nuapotu kosalata kaNges, apotu kopotu neejai Ngesi. "Kere lukainaki Papa Eong, epote mamaKang." Cutibo, kiburai kes koraasi lukeseunitai sek. Karai mam kerai, mam jo ibuni ajaut nen. Kodaunos ngun. Cuticut.

Kwana kipedori oni aimor eidicane, kerai kotoma a-a abar naka AkirotoKe, ido kotoma kangin irai jo ewaike. Irai jo ewai loka Akirot; naarai kerai Ngesi Akirot kageunet, irai jo Akirot kwana. Ianyu? Ajai lolo eong alimonokini, arai Nasabiti arai adiopet kotoma apaarasia naalomunia eong toma, nuikamunitos inyo erai Akirot, teijo. Ido kereka kwana irai jo atutubet naka Akirot.

110 Kopupokisi. Ejai ibore idiopet yenimam eong apedori aswam. Mam eong apedori aolobob kanuka lukapapaaka. Mam, etorunit toma amodokok naerono noi. Papaka arai loko Ireland. Totoka arai Aluga na adukokina kemusugut, atutubet naka Aluga; arai totoke Aluga, naanyami epension. Kwana, kes kere, araasi ikamerak, luipu kere kakesi apotu kotwakata enapitosi amuka kec, ejie, ikajiok luka imuudun, ka ace da kwangin. Emamei ibore apedoria eong aolobob kanuka ngul, naarai lukapapaaka ka ekitoi loka ekalekosi erai loerono ne tai.

Konye, onac, ejai ibore idiopet yen apedoria eong aolobob, apedori eong aolobob kanuka Ejakaitika Yesu Loabu kolaku eong. Ido kede apedoriKe najulakini abu kiraik ikinyomit, kanuka ainerun nasek, ido abu eong kaanyu Ngin. Okooke bo kangai arai eong kwana? Eebo. Apedori eong aolobob kanuka Ngol. Ido etwasam eong ikaru akaisauni-kiuni luka aijaraka, aolobobot kanuKeng. Ianyutu? Apedori eong aolobobot kanuka Papaa kang, aleluyiah, Ngol loalakuni eong kosodi airaikin ikinyomit yenika Aijar toma ne, ka acamakin do eong angolekin AkirotoKe, aijukun kwap EmoyoKe ido kobala, "Enata Ngin kane. Kiner na, ido epote atakanun. Kiswama ngun." Ido oo, ikatuan, apedori eong aolobobot kanuKe! Kikwaikini ai Ngesi iswamai ngun? Kotoma ailotario kakip kanuka Akirot, akipi nukaitesegaario. Karai kapedorete oni aitetemun ngun.

111 Ikeyuunak lukinerunitai sek epote asalakin kede Akirot naarai eraasi kesi atutubet naka Akirot kaNgin.

Oo, aacer nukerimok, toni wori irimete yesi? Yes Methodists, Baptists, Presbyterian, lukokinga, ibore kere yenipe irai jo, aacer nukerimok, anyoun kokanisa kiton okanisa, anyoun kopir kiton aibois, ido kotelevision kiton otelevision, kakwapin kiton akwapin, kanukinyo mam yes iponiata adokun toma? Imuit Ngesi ajaun toma oidicane nepepe kayes. Imuit Ngesi jo. Ekoto Ngesi aijulakin jo kopone loka aisiteteun aomisiokon, mere toma okanisa arai odiini, konye toma AkirotoKe, na da, irai jo atutubeteke arai ejai aimuit ngin tomakon.

*Isirerengitai lueriebi etengei kanuka adolit: naarai isimonikinio. (Ianyutu? Uh-huh.)*

Ido adau Ngesi aijukun apedoriKe najulakini, kanu alemun jo kinga kotoma angwalu kana naka ediini ngol loijai jo toma. Kotoma aipurujaua na naka angwalu nakijai oni toma, eyakiu Edeke apedoriKe najulakini, AkirotoKe, itogogongitai kwape nakabeit, itogogongitai, alemun jo kotoma kinga kotoma angwalu na naka idiinin naka amamus aijen ngin nailosenenei jo kotoma, "kimujalal, komudukana, kilwaritai, kwabo komam ijani." Koomoomoata ngun, ipapero.

112 Ijenete yesi, abu Edeke kiyakiu apedoriKe najulakini aitodolikin AkirotoKe, ido abu kijulak akuan kere naka Sara ka Aburaam da. Abu kijulak etunganan loamojongit ka aberu da namojongit, naarai esumunit Ngesi ebe abuni aswam ngun.

Ido nuisumuni Edeke aswam, ngun nges ebuni Ngesi aswam. Emamei ibore, idiobore kere...Ibore idio kere yenitapaaritai, yenimam Edeke epedori aswam idiobore kede ngin. Konye ebuni Ngesi aricit AkirotoKe, ido ijukuni Ngesi EmoyoKe! "Eong Ejakait nges eraik Ngin. Abuni Eong aicokicok Ngin apaaran ka akuare da, kinyek idiotunganan awurupoor ngin kakaniniKa." Ebalala Ebaibuli kwangin.

113 Oo, aacer nukerimok, yes luijaatar ka aimuit toma otaukus! Ibusakinit jo ajaut kede ngin, karai komam ti jo mam iboie kane atupuruc na. Ido mam jo ti ijai toma okanisan ngul ka itogoi lukapolok, ka iboro ngul luijai jo toma, kinga ido anatar akwap na kere, karai komam Icebore ayangaun jo toma nen. Abu itunganan mutan ice kinerakinos kajo. Siri kiyatak alosit adepar ne. Ejai ailotario naka akipi kanuka Akirot, naebuni aitarauun jo yenekwang kiak bala akako. Oo, odwe luka Edeke, kopupokisi! Siri kisalaksi toma angwalu ngin. Kolomutu kotomake. Abu Aburaam kiyu Edeke, kosodi anyara idiobore kere yenetepegit...

Itemari jo atiar, "Ekwaikini bodo eong ai ajari? Ekwaikini eong eswamai nu?" Eraas ngun nukamunitos Edeke. "Ekwaikini eong ai? Epote ipaupaka aigir eong."

Abala Edeke ebe, "Yeninyeini papake, totoke, aberuke, okilenike, ireria, itogoi; ainakini eong kes ireria ka itogoi, ainakini eong kes lukapapa ka nukatoto, ka iinacan ka ainacan, kotoma akwap kana, kosodi Aijar naka Ikar Kere kotoma akwap naebunit." Erai ngin aisumunet, opapero. Ebe, oo, ibusakinit ngun aicokicokio! Kanginisumunet najiakini Edeke ebuni aitodolikin. Kanginikinyomit yenika Edeke erai

aisumunet.

114 Ido, iinac, koosik aitub itima ngul, naarai erai nakileic kakonyen nuka Edeke. Koosik anapit igoen ngul, eraasi nuketal kamaKe!

Yes iinacan, yes ikiliok, kinyeis apodokinit nuka idiinin kalu, kotoma aswam iboro, ka ajalakin da angorokus aswam iboro kwa kangul. Mam ejokuna kanuka Ikristayon.

Kobongutu neejai Akirot! Koyangasi Akirot ngin, ebuni Ngin apolo. Ibusakinit Ngin apolo. Apedor naka Edeke najulakini naabu koyangau Ngesi kuju kotoma aibois nasodit, erai cut Ngol loejai orotoKe abongun, ainyakar Ngin bobo kwana. Ejai Ngol abongor cut kau bobo neajai sek ngin.

115 Aponi Enok kijulakinai, anyoun katwanare, kanuka apedor naka Edeke najulakini. Kanukinyo bo abu Edeke kismama ngun? Kanuka aitupuset naka Ekanisa loewurupoorio ngol loebunit. Eebo. Eliya da kopone kangopekangol.

Aponi akuan naka Yesu koinakinai aijar akaulo na ngin atwanare. Ido kotoma ates, abu Akirot naka Edeke koinak akuan naka Yesi aijar; kosodete aijulakin, anyoun kaput, nakatwan, naalilim, araut Okoku loka Edeke loitajarunitai, kaitubusikin. Naarai abu enabi, Isabulin 16:10, arai ikotosi yesi aiwadikaikin ngin kwap, 16:10, abala, "Mam ajalakini eketau kokatwak, karaida acamakin LokalaunaniKa aibos." O Edeke!

Ibusakinit Akirot ngin aitodolikin, erai Ngin Akirot naka Edeke! Kiraik Ngin toma otaukon, arai ikoto jo alosit kotoma Awurupoorio. Arai ikotosi yesi araut Ikristayon lukabeit, kibwaikisi Akirot na toma aibois. Kwape eyuunitor eong ebe kerai Esekiel, abala Edeke ebe, "Kolem anunuket ngin kosodi ainyam Ngin," tetere enabi kede Akirot eraunos ibore ngipengin idiopet. Ido nginiisumunet naejai toma nen ibusakinit alopet aitodiar, naarai erai ngin Ikinyomit yenika Edeke yenigeunet. Mam icamakini ekesisian ece loka edini kokinga kane aitam aisikun ngin kinga kotomakon. Mam icamakini ngol aisikakin jo sayanis ka aijen da ngin nakakuan, ka aisia. Kiyuutu Edeke!

116 Mam Aburaam abu kocam aingic naka sayanis naka apaaranike, atemar, "Amojongit eong noi kanu auruun ikoku, aeka eong noi. Eswama eong nu, ngun, arai kwa." Konye abu konyara idiobore kere yenepegit, Akirot naka Edeke, kwape yen emamei. Kwabo mam abu kobuonokin aisumunet naka Edeke, kanuka amamus aiyuun; konye kogogongor, kiturite Edeke. Ajeni ngesi ebe epedori Edeke aswam ngun nuabu Ngesi kisumun.

117 O yes odwe lukerimok, lu etwangal emaniman loka akwap kana! Ainacan nukerimok, ebe adautu aiboisio ka enape loka akwapin kanu airiyar yes! Ido, iinac naminat, imina jo aomit ebe arai eong emojong loanyunyurana, konye adiopet kotoma apaarasia nu nairiamunotor jo ka ngun nuabu Florence Shakarian kiriamunotor akuare ya; eboienene kagola kana, ngesida, kotoma aibois na, kwape ijenyata yesi. Nairiamunotor jo ka ngun, ibuni jo adumun ebe, mere eong, dimarai Akirot na nges edolit. Kikunyasi awai koidukai kangul lueraas isaluuns, iidukai ngul lukiponesio luka anapito.

Ibala, "Kanukinyo mam jo isisianakinia kes iboro luepolok, epone lokaraut nu?" Kogeu ber kede nua ABC's kon, kosodi konyet kilomari oni toma alijebura. Ianyutu? Kogeu bon aisia ber, "nges erai aimakus naibus,"

*Kanukangun, iinacan, kengaingait yes, kanuka aitimeta nuka Edeke, kijaikis akusiwat koraut asubanit naejari, nakalaunan, naisiyalamikinit Edeke, nges erai aimakus naibus.*

118 Kiswamata bon yesi "aimakus naibus," itemokini Edeke nuce nuideuna nuka ngin; bon airwanaandar iboro luipedori jo airwanaandar ijo ilopet kosodi aswam. Mma kereka ngin...Mam kereka erai nakabangaanut kanu aberu alacar igoen, ido alomar kinga ne kosodi aswam kopone kangol, kwabo kitoronite Ebaibuli ngun? Mam tope erai abangaanut kanu etunganan aibirokin elopet toma aiyuunet kwa kangin nakijaar oni lolo, ka iboro lu kere kane, ka iboro lu kere luka seminari, ka iboro kwa kangul, kwabo koraas cuticut nuipagagaara kaneejai Akirot naka Edeke? Ianyutu?

119 Akituk naka Isaia, arai cut ngesi etunganan lopetai loka akituk namam alai. Abu ngesi kotema atiar, "Wu Ejakait, ajai eong kiding kitunga lumam elaete, kijaar eong kaituk namam elai. Otukwi eong naarai aanyu eong Edeke." Ido abu Emalaika kodoku kwap, kolemoni Akim, Akim Nakalaunan kama kolutari loka Edeke, kosodi aijulakin akekituk; anyoun karaut akituk naka etunganan lokerimon, kiton araut akituk naka enabi loejaas kede EBALA KWANATA EJAKAIT. Apedor naka Edeke najulakini!

Ikalokak lukecor akwatat ka akaisaarei, ka-ka ikagwelanarak lumojong lupetai, ka angor, ka ngul apotu ikulepek kotukokinos agola nakokuju kosodete agolokin ikeka, ice kakesi akadit aisia kiton nemam apedoriata aiwadik ikiroria kec obe. Abu Edeke kijulak kes kama karaut ikalokak lukecor, araun ikalokak itunga; kamaka ikiliok ka angor nukotoma orotin, araun lukalaunak luka Edeke, mam bobo etwakete. Apedor naka Edeke najulakini!

120 Paul, emeeba lokokanisa lokatutubet, Presbyterian, Methodist, Baptist, Pentekostol, arai icebore;

alosi ngesi ijesar korot, kemoyoke loka ainingor kotomake, ebe ajeni ngesi nuipu adepar idio kotoma kangul. Kebu ngesi kepolou kokwap naka Gamaliel, ediopet kotoma ikesisianakinak lukajokak kakere kalukejaas toma akwap ngin. Anyoika bo apotu kotakanut korotoke aijesar alosit Damasiko, arocun ikodet yenika itunga lueyuunitos Akirok naka Edeke? Korotoke alosit ngina, aponi nges kocakakinai kwap, ido abu ngesi kiira Aisiiraret. Ido abu Ngin kijulak ngesi anyoun karaut emeeba loka ekanisa ka loelosenene okanisa; araun enabi loka Edeke, loabu kiwadik Akirok naka Edeke, kotoma Aitutuket Nakitetet. Anyoun karaut emeeba loka ekanisa kiton araun lokalaunan!

Oo, aacerit nakerimon, kapalasi ber oni. Okoku lokerimon, Aur nakerimon na irimi anyoun kaibois kiton aibois, kotoma angwal kana; kibelokinos, atupuruc na, idwe. Ikatunga kiirasi eong kwape e-kwape etunganan loetamit aibwo kiding lukajarak ka lukatwak.

121 Kokinga kalaije kotoma akwap neebunit awaret na arai iringa yesi irucokina, yes luipotu kirimutu toma aibois ngin, ikatunga kiboikinos ber keyatakisi bon adakika adiopet. Ajeni eong ebe aeka apak kane ko Tucson arai, elipit kitimoto eong, Phoenix, erai kwana adakikan akaisaarei kodoli isawan ikanyikape. Ido kijaun eong kitunga lu kane atupuruc kere. Ainak eong yes amameun kaswam kus ka iboro. Konye kongolek, opapero lominat, imina kereka jo ajaun awai kaneejai Edeke ikar kere. Ikatuan kobong atupuruc na. Ijo kereka mam? Ejai apak elal kotoma Atan.

Katuba kolo sek, ajeni eong erai cut kwangin,  
 Aponi kidounai ikoku kanu aitajar itunga kotoma adiakar kec.  
 Abu Yokana koany Ngol kariri kecor, Imerekek kanuka ikar kere,  
 Oo, Kristo, Loebubukinio loko Kalvari.  
 Oo, amina eong, amina eong Etunganan ngol loko Galilaya, loko Galilaya,  
 Naarai eswama Ngesi nuipu kanuka.  
 Esioni adikanaretaka kere, kibwaikini Emoyo Lokalaunan toma;  
 Oo, amina eong, amina eong Etunganan ngol loko Galilaya.  
 Kolot eketeleman esolo ailip toma oyekalu kangina apaaran adiopet,

Kiworo ngol, "O Ejakait, kitimoi eong!"

Aponi kisionioi nges nginidiakar, kosodete aibwaikin ainapakin naidul kotoma;  
 Kotema, "Kopotu koanyutu Etunganan lo loko Galilaya." Abeit.  
 Apotu ingwalasik kotemelata, kosodete ibubui apedor ener,  
 Aponi apedor ngin kinerai kamin kotoma angolol;  
 Apotu imudukiok kokwenyutu, ajeni epedori bon araut  
 Aitim naka Etunganan kangol loko Galilaya  
 Kituput ngun kede aijaanakin lolo.  
 Aberu ya katan, abu Ngol kolim adikanaretake kere,  
 Kwape kejaatar ngin kede ikiliok ikany kapak kangin.  
 Aponi kisionioi nges nginidiakar, kosodete aibwaikin ainapakin naidul kotoma;  
 Kiworo ngin kobala, "Bia koany Etunganan lo loko Galilaya

122 Aberu, epedori Ngol aswam ngupengun. Adau Ngesi aisiom ekonitau atupuruc na. Ekiliokit, adau Ngesi aisiom ekonitau. Oo, eketeleman esolo, kelipata do ber oni!

Oo, amina eong, amina eong Etunganan ngol loko Galilaya, loko Galilaya,  
 Naarai eswama Ngesi nuipu kanuka.  
 Esioni adikanaretaka kere, kibwaikini Emoyo Lokalaunan toma;  
 Oo, amina eong, amina eong Etunganan ngol loko Galilaya.

Mam keraka jo icamuni amina Ngol, nepepe keong atupuruc na? O, yenipaarit korot, ikadiakanaran yenikerimon, kane arai kokinga kane acepak ijai jo, icamuni kereka jo Ekajakait atupuruc? Ngesi nges Akirok, ido ayangaun Akirok mamakon. Mam kereka jo ibuni acamun Ngesi atupuruc na? Icamunete kereka yesi bon aikiar akaninikus, arai anyoun aibwo, arai icebore, kosodete ailip, atiar, "Akoto eong acamun Ngesi kopekwana. Onac, akoto eong. Akoto eong kopekwana acamun Ngesi." Kocam do jo anyoun aibwo, idiotunganan yenakoto ailipakinio, kosodi atiar, "Arai eong..." ailipakinio, ti gwai, "Arai eong ikadiakanaran. Akoto eong..." Kisirereng Edeke ijo, ipa. Itunganan ice bobo? Kanginitunganan kilip do ber kwana, kanu bon apak naedit.

Oo, katuba kolo sek, (kerai aipurujauna, ijenete yesi, ajaasi akwapin toma), ido ajeni eong erai teni cut kwangin,  
 Aponi kidounai Ikoku kanu aitajar itunga kotoma adiakar kec.  
 Naanyunia Yokana Ngol kariri naka ecor, kerai Ngesi nges Imerekek ngin ikar kere,  
 (erai Ngesi ngopengol lolo)  
 Oo, nges Kristo, Loebubukinio loko Kalvari.

123 Mam kereka ijo ibuni amina Nges lolo kekonitau kere, tetere jo ilomuni kinga kotoma ojautene lo lokakwapin loiboie jo toma? Yesi angor, yesi ikiliok, oo, kanukinyo ber kiboio to yesi kane apak na kere? Elosi ngin kanu aitodiar ebe ejai ibore ejai kwap tomakon, ejai ibore ejai nen yeneriebi etengei ka akure da ajakit. Mam ti yesi kiboio to kane adaun isawan lu iarei arai iuni, aiboi kaduketait kana kopone kalo;

ejai nen ibore. Mam kereka jo ibusakinit ti apupokin ngin lolo? Kinyeik enape ka sayanis, ka iboro kere luka akwapin, kotuboros awai kama kaomisiokon kopekwana, onac loketiai arai iinac naketiai.

Ejaas ikanisan aimorikikin, atekerin nukapolok eutasi abilibiliun, ejai Isirael akwenyun,  
Aanyuneta nuapotu inabin kodwaritos;  
Imaritai apaarasia nuka Imo, elangirikinitos atiokisio  
"Kobongutu, O luisiarakina, nejaas lukus obe."  
Aapu apaaran naka alakunio,  
Epirisarios itunga itauon kanuka akurian;  
Kilelebunos kEmoyo, kitemonokisi da akusitalai kocaete,  
Kongoliasi kuju, aapu alakuniokus!  
Inabin lukaingal ingalaete, egiritosi Abeit naka Edeke,  
Ebe Yesu Kristo nges Edekewok.

124 Kwana, erai ngin nakabeit. Ijenete yesi ngun, oni kere, apaaran nakijari oni.  
Konye abala Ngesi ebe ejaun Aica ebong,  
Kaitebeikin erot loelosi toma Aibuses idumunete yesi.

Epone ngol nges kijaria oni kopekwana cut. Ebuni Aica amwekimwek cut ebong naejaar amuton alomun toma, apak naewaria akwap, aacerit nakatiibong.

Aacerit naka aiwar ka atiibong,  
Ido akaulo kangun amuton!  
Kinyeik ajaun aitururur naka atwarakin,  
Kapak konyet nawasia kadau eong adokar;  
Naarai kere luejaas kinga edakito nuka apak ka kuju apak,  
Ido epedori acepak akalele adakar eong neelwana,  
Konye akoto eong aanyun Eketoporon kang loka edege akonye ka akonye  
Kadau eong aitub ailoritoit.

Siri kilimokis eong, ko ikegworok luipu,

Ebe erai aijar airujasit naatai!

Ido etwanit etau loejotoor,

Ido mam iboro eraas nuesubit bala eraas.  
Eebo, erai aijar ibore ilopet! Ido erai aijar apeleikinet!  
Ido mam ates erai esangeke;  
Naarai irai jo apua, ibongori da toma apua,  
Mam ngun eneritai kanuka etau.  
Ajar naka itunga lukapolok kisiitikinit oni,  
Ido kipedori oni aitodokar aijarawok kuju,  
Ido, atiakatiaka, kinyeini oni kokauwok,  
Ikukut luka akeje, kasinge naka apak;  
Ikukut luka akeje, ebe kacepak ice,  
Ikwangi kokuju kanukapolok nuka aijar,  
Onac loiyalongongi kobwangang da ataker,  
Keanyu, ikwaruni eketau bobo.  
Kanyoutu bodo, oni, keswamata,  
Ketau kanuka engunget edio kere;  
Kenyeis alililing bala, akituk nuemeetai!  
Korai yenititing kotoma ongunget!

125 Edeke lominat, eraas kesi luKon. Aanyu eong ikiliok iarei enyounete aibwo, wu Papa. Elipit eong, wu Edeke, ebe ibuni Jo ayangaar kes kwana. Ekotosi kesi araun odweKon. Akwenyutu kesi kotoma aolit naka aijar ngin napotu kesi kojarata, ido kwana do ekotosi kesi araut lukitetiak, luisiteteunitai, kede aibatisao naka Emoyo Lokalaunan adoikin Ikinyomit ngin yen iraikinitai toma otauonocek apaaran na. Edeke loka Ikar Kere, ekasuban loka iboro kere. Loibu kiswamau AkirotoKon, ido eyuunit eong ebe ibu Jo kojoni itunga lu ebe apote aiswamaun ngun atupuruc na. Elipit eong, wu Ejakait, ebe ibuni Jo aicokicok Akiroto ngin, apaaran ka akuare da, ido mam icamuni Satan aurupoor ngin kotoma akaniniKon. Koraun ngin ekitoi lo kacepakio, kotoma paradais loka Edeke, nainyakunere ngol bobo, naarai mam AkirotoKon emeni aswam, ejaun ngin bobo. Naarai akwap na...

126 Ido mam kereka ejaun epone kapol kana kotoma akwap naebunit. Mam amotokan ejaunos arai idiobore kere yeniswamat sayanis. Mam ejaunos epone kiboro kangul kotoma akwap naebunit. Konye ebuni araut apol naka epone loka Edeke elopet naebuni Ngesi asipokin kotoma ayaetai naka aibuses. Naarai, kotoma apol kana ejai adeka, atwanare, atesin, ka akote. Konye kotoma Ajakanut kangin naebunit, emamei atwanare, emamei aiturur, emamei adeka, emamei amojongu. O Edeke, epote kere araut nukitetiak kangina, kotoma apol Kon.



Edeke, kijulak isio lolo, kanuka apedoriKon, kanuka aisiteteunio naka aomisiokosi, aibelokin kama ejaas nudidik nugeunet nuka akwapin kanu kwana, mama ejai Akirok naka Edeke. Ido karaunos isio lukisiteteunitai kanuka apedor naijulakini naka Edeke airukum Ikinyomit yenejai toma otaukosi, ebe kiyuunit isio, aitarau isuban luenyaritai odwe ka adwe nuka Edeke. Na nges akailip mamaKon, wu Papa, kanuka itunga, Kokiror loka Yesu Kristo. Amen.

127 Kwana mamakus yes lukokinga luijaas toma aweikinio, kanejaas yesi kere, akoto eong yes aijaun Kristo kokinga kangina, kwape Eketajaranikon kilopet, ido kilelebunos kede EmoyoKe. Akiro nueneri atupuruc na, kodooto kesi toma otaukon. Ido kanen kijau jo Yesu. Ido kosesen jo aijarakon, kosodi jo aanyun najari jo konyet kokau. Ido koyanga Aijililiet naka etunganan kaloeomoomoi kane. Kianyu jo ebe ijai jo ilopet aswam ibore yenipagagaara kama ejai Akirok na, kikunyak awai kama ejai ibore ngin, katipet noi. Ianyu? Naarai, ejai Aijililiet naigagarit atwanare awai kaneijai jo, ngin nges Akirok naka Edeke. Akekiro eraas Aijar, ido kiyuarete Kesi jo kama ejai atwanare.

128 Yes itunga luijaas ne toma auditorium, kijaun eong kayes ne apak naeoj. Esiyalamikinit eong yes kanu abunore aipup. Elipit eong ebe kinyeik Edeke acamakin Ikinyomit yen etwani. Amuno eong ebe mam yes iwomitosi ebe abwoi eong kane kanu bon ener iboro lu kanu araut loetegelikina. Enera eong ngun kanuka amina; kajeni ebe erai eringa eong ketwana, kwape kopekwana ajaar eong, nges bon apak naapedoria eong alimonokin itunga. Ido amina eong Yesu Kristo. Erai Ngesi Eketajaranika. Ido kiitutu, ti eong ajai kinga ngina toma orot karai kemam erai kanuKeng. Ti eong ajai kinga ngina; ikauriakaka kere, ikatunga kere, araasi ikadiakanarak. Konye Edeke, kede apedoriKe naijulakini, ajeni eong abu ngin kiswamau isubat yenegelara kotomaka. Ido apedori eong-apedori eong alimor ngin mamakon, ebe erai naejokuna. Ido kidari ngin kotoma osawan luka ationis. Karaida kotoma atwanare, kokek, emamei jo akurian. "Emamei ibore kitiaki oni kama ejai amina naka Edeke, naejai toma Kristo. Elipit kisirereng Edeke nginidiopet kayesi, kosodi ainakin yes Aijar naka Ikar Kere.

129 Imwasi ai kane luemameotor kede Ikinyomit yenika Edeke, aibatisao naka Emoyo Lokalaunan? Icamuni tope jo aikiar akonikan, kobala ebe, "Kiitu eong, Onac Branham, ebe kadum eong Emoyo Lokalaunan." Kwana koyanga do jo Akirok toma kon-toma otaukon, ido kiyuu Ngin. Kwana arai jo...Ipedori jo angolekin bon. Kodoka kuju kosodi angolekin aroet, ido ipedori jo aanyun neijai jo. Teijo, ipedori jo ajenun.

Itemari jo atiar, "Eebo, mam eong abu kekia akakan, naarai eyuunit eong ebe kijaar eong."

Kongolekin ber jo ilopet kotoma aroet, konyet do ipedori jo aanyun epone loka emoyo loeuta aitapaar jo, teijo. Aomoom naitapaaritai! "Ejai erot loesubit bala ejokuna mama ejai itunganan, konye awasiake erai irotin luka atwanare." Erai kereka ngin nakabeit?

Komusalaba kane atwania Eketajaranika,  
Kanen nges abu kamonyia kanu aitesegaario kamaka adiakar;

Oo, nen nges ebwaikinere Aokot otauka;  
Aibuses...

130 Bon komudukoto, adakika kwana, kosodete cut aiwo neajai Ngesi. Kekiasi cut oni akaniniwok.  
Aibuses neejai EkiroriKe, EkiroriKe loketai!  
Aibuses neejai EkiroriKe!  
Kanen nges ebwaikinere Aokot otauka;  
Aibuses neejai Eke...  
Akoto eong yes Ikristayon aijangijang akan naka idiopet kayenice, yes luitajarauna.

Ketajaritai eong kaumokin kamaka adiakar,  
Esalit Yesu toma kajijim noi,  
Komusalaba neayangaria Ngesi eong toma;  
Aibuses neejai EkiroriKe!  
Aibuses neejai EkiroriKe, EkiroriKe loketai!  
Aibuses neejai EkiroriKe!  
Oo, nen nges ebwaikinere Aokot otauka;  
Aibuses neejai EkiroriKe!

131 Aokot ejaatar ka ikurut yenika Aijar tomaKec, ijenete yesi. Elosi na nejaasi ngul lumam ejenete Ngesi.  
Oo, kobia Atan naebarara na ido kojijim;  
Kocakak etaukon akeje nuka Eketajaran;  
Oo, kolumo lolo, kitaraun loitekooro;  
Aibuses neejai EkiroriKe!  
Oo, aibuses neejai...  
Ketuluroto akwesiwok kwana kwape kiwoio ngol.  
Aibuses neejai EkiroriKe!  
Oo, nen nges ebwaikinere Aokot otauka;  
Aibuses neejai EkiroriKe!

132 Iminasi yesi Ngesi?? [Ebala atukot, "Amen."-Ekewa.] Abala Paul ebe, "Awoe eong kotoma Omoyo. Amae eong kotoma Omoyo." Kawoikisi ber oni ngol kaiyapaara nateni bobo, kekiarito akaniniwok kuju.

Ijenete yesi, ationis naka ngun, oni itunga luPentekotin, kitoolio oni aiyalamawok, kitoolio oni atironoriowok. Kwape abu Billy Graham kineritor akuare ya, "Ikalimonokinak ngul, luibelokinitai akolai aite kau, ijesaros alosit Ongalakimak, kibapete akecekanin, ido ekosio kuju-ka-kwap, ka tuitui, kejaatar ngul kibore mutan yenikiyalamatar kesi kanukeng." Eebo, ee, kijaar eong kibore mutan yeneyalamar eong kanukeng. Ianyutu? Ianyutu? Eebo. Eebo, kitoolio oni atironoriowok.

Kwana kekiasi ber do oni akaniniwok. Mam ipodo nuikamunitos akio ngun, mam imusungete idiobore, teijo. Mam ngun kimusungete. "Ngol loelosi aye ikinyom, komonyi, komam abunokin ebonguni bobo, edakit ikes luketiai." Mam ace.

Aibuses neejai EkiroriKe, EkiroriKe loketai!  
 Aibuses neejai EkiroriKe!  
 Kanen nges ebwaikinere Aokot otauka;  
 Aibuses neejai EkiroriKe!  
 Aibuses neejai eKe...(O Edeke! Kituritete Edeke!)  
 Aibuses neejai EkiroriKe!  
 Kidulok Ikinyomit ngin, wu Ejakait, toma otau!  
 Ebwaikinere Aokot otauka;  
 Aibuses neejai EkiroriKe!



[www.messagehub.info](http://www.messagehub.info)

Nuelimonokinit

**William Marrion Branham**

"... toma apaarasia nuka eporoto..." Apuk. 10:7